



1683

37107

I

Mag. St. Dr.

P


Markiewicz Lucie: Examen scrutinii veri.
tatis fidei. etc. Posnan. 1683.


Teol. 3074



21. 34. IV. 51.

X. g. 13.





EXAMEN
Scrutinii Veritatis
Fidei,

Quoad Prolegomena

SAMUELE SCHELGUIGIO

In
Gymnasio Gedanensi Theologiæ Profess. Publ.
Extraord. & Ecclesiæ ad D. Catharinam
Ministro,

Male institutum,

*Ad meliorem Trutinam revocatum, eidemq; ad orthodoxæ
Veritatis agnitionem*

In strenam oblatum.

R. D. LUCA MARKIEWICZ

Parocho Więcborgiense.

~~~~~

Impressum Posnaniæ Anno 1683.



-8-



**C**olumnia conturbat Sapientem. Ecclesiast. cap. 7.8.  
Animalis homo non percipit ea quæ sunt Spiritus  
DEI; Stultitia enim illi & non potest intelligere. 1. Cor. 2.14.

A veritate quidem auditum avertent, ad fabulas autem  
convertentur. 2. Timoth. 4.

D. Gregor. M. *Arrogantes Viri habere hoc proprium solent,  
ut dum in nimia invectione prodeunt, etiam invehendo mentiantur,  
& cum non possint reprehendere justè, quæ sunt, reprehendunt,  
mentiendo quæ non sunt.* Lib. 2. Moral. cap. 7.

---

## APPROBATIO.


**V**T ipsum egregium Opus sub Titulo, *Scrutinium Veritatis  
fidei* ab A. R. P. Joan. Francisco Hacki S. J. Theologo con-  
tra hujus præcipuè temporis hæreses concinnatum, non  
tam censurandum, quàm laudandum judicavi, imprimen-  
dumq; censui: ita cum contra ejusdem Prolegomena, quidam  
Gedanensis Prædicans, citra modestiæ & Veritatis fas & leges, in-  
solentem & aculeatum calamum in *Examine Scrutini* arroganter  
strinxerit: Eidem verò *Examen malè institutum* ab eodem ad me-  
liorem *Trutinam* per modum Apologiæ, revocatum. Adm. R. D.  
Lucas Markiewicz, Parochus Wiecborgiensis, laudabili, quia grati  
erga suum Professore animo opposuerit, atq; publici juris fieri  
experièrit, Autoritate Reverendissimi Officii Generalis Posnanien-  
hanc Approbationem eidem concedendam esse duxi. Posna-  
niæ 3. Decemb. 1682.

STEPHANUS MORESKI, S. T. Doct.

Canon: Cathedr. & ad D. M. Magdal.  
Præpositus Posnan.

37 107 T





ILLUSTRISSIMO

Et

REVERENDISSIMO

DOMINO, DOMINO

Casimiro Ioanni

De Bnin OPALENSKI,  
EPISCOPO CULMENSIS ET  
POMESANIÆ,

Domino, Patrono, ac Mecænati  
amplissimo,

**N**on minoris virtutis ac gloriæ est illustrissimum Veritatis splendorem in publicam proferre lucem, quàm à malevolis obscurantium adversariorum officus. Væta, quæ euecta est nuper in Theologico Scrutinio à R. P. Joanne Francisco Hacki Societatis Jesu Veritas fidei, solerti Disidentium Sectariorum indagini proposita, Illustrissimâ Gentilitiâ Opalenâ Navi Tuâ Celsissime Antistes, & dum ad desideratum, totq; expetitur votis bona spei promontorium, agnoscenda tandem à tot erroribus unica Veritatis, plenis velis cursu contendit fortunato, in adversas malè sana mentis syrtes, scopulosq; incurrit. Bene tamen habet: intuto ac tranquillo invicta veritas consistit: quia suam inconcussâ Tuâ Argò vehi sentit fortunam, naufragium haud reformidat. Quod quispiam navi ad



portum tendenti adscripsit, aut ingredi, aut perire, minus generosa  
mentis indicium declarans, aut navis suae firmitati parum fidens: hoc  
mutato nonnihil lemmate Gentilitia Tua Navis Veritatem fidei auspi-  
catò provehenti inscribere liceat: Ingredi, haud perire, utpote qua  
certior fide potius stationis in vera fide, medios etiam inter perturba-  
ti aquoris fluctus, quam exitii. Patieris proinde Celsissime Praesul à Ve-  
ritate hac suae innocentiae Apologiam, quam R. P. Autori Scrutinii meo  
olim Professori in tesseram grati animi adornavi, onerari Tuam One-  
rariam quam simul Tuis in causa Torunensi ornat vindiciis. Victricem  
sibi de jurato hoste palmam à Tua Argo Veritas pollicetur, qua palma-  
rem illustrissimae Domus Tuae gloriam, fideiq. Orthodoxae pretiosum Ci-  
melion, aurei locò velleris, per orbem Sarmaticum, Borusicumq., vel in  
Te magno Antistite ac Senatore Regni circumvehit. Et quae Heroum sem-  
per magnos servatur adulus, magnae utpote quae praevalet, Veri-  
tatis, defendenda ac conservanda, sui usum ultro commodabit. Quin,  
ut fausti in celeusmatis vicem Poëta paucis mutatis occinendo votum,  
concludam:

Quam Tibi consignat Navem Genus, illa sacratæ  
Continuò fidei pulchra trophæa vehat.

Illustrissimæ ac Reverendissimæ  
Celsitudinis Vestrae

Devotissimus Servus ac Client.

Lucas Markiewicz, Par. Wiccborgiensis.

Ad



Ad Lectorem.

**N**ihil convenientius de Autore Examini Scrutini Veritatis dici potest, quàm id quod Regius Plaltes de perverso & maledico, an maledicto homine pronuntiat. *Sedens adversus fratrem tuum loquebaris, & adversus Filium Matris tuæ ponebas scandalum.* Plal. 49. Quæ verba explicans S. Augustinus sic ait: *Sedens adversus fratrem tuum detrahebas, ipsam detractionem diligenter faciebas, volebas ibi occupari, amplexabaris malum tuum, osculabaris dolum tuum.* Ediderat in lucem suppresso nomine ob certas & justas causas Scrutatorem Veritatis, velut prodromum ipsius pleni Operis, quod etiam jam lucem aspexit R. P. Joan. Franciscus Hacki S. Jesu Theologus simplici & rectâ mente, non ut quenquam contumeliâ afficeret, aut mali nominis notam cuiquam inureret, sed solius veritatis, quæ unica, intuitu & salutis animarum zelo permotus, ut ipsemet fateatur in Scrutini Præf. 1. & 2. proponendo 12. Postulata in Scrutatore, quæ in Scrutinio per Discursus longiores diduxerat; videlicet, ut in tanta multitudiue & diversitate Religionum tandem mundo pateat, quænam una omnium fidelis Veritatis fidei Custos & Magistra, adeòque quæ ex omnibus una tanquam vera Orthodoxa Apostolica ab universi amplectenda sit, cæteris heterodoxis prorsus rejectis; ut nimirum hæc a-



gnita, Uni Creatori omnium Deo, uni Mediatori Dei, & Hominum Christo IESU in una Fide verus reddatur ab omnibus cultus, sicque credentium sit *Cor unum & anima una*. Cum ecce extemplò sacro quodam æstro actus & agitatus Samuel Schelgvigius Professor Gymnasii Gedan. & Minister, Sedens adversus Fratrem suum in Christo (omnes enim, qui in Christo per Lavacrum regenerationis in Baptismo Dei Filii nati sunt, Fratrum in Christo nomine nuncupandi) loquitur, detrahit, disputat, quin & scribit, scripta edit, sine Judicis Sententia, arbitri revisione, Cenloris limâ, & adversus Filium Matris suæ, quam in majoribus suis turpiter deleruit, ponit scandalum, quia commovet Discipulos, ad nescio quos Carminum plausus excitat, famolum duarum phylurarum libellum conscribit, tot contumeliis, convitiis, criminibus falsi infarcinat, ac tandem spargit in vulgus. Qui tamen providâ Nobilis Magistratûs Gedanensis curâ terebatur suppressus, nihilominus oculis Legentium in Bibliopoliis palam ac publicè patebat expositus, venditus, distractus, quin & Regiomontum aliòque transmissus. Ita que hanc iniquam *detractionem*, & impudentem contumeliam *diligenter faciebat, volebat ibi occupari, amplexabatur malum suum, osculabatur dolum suum*.

Et scripsisset ille sanè contra Scrutinium, Christianâ, ut par est, cum modestiâ, non cavillando, non criminando, non falsa appingendo Autori, sed merè pro virili veritatem, si quâ gaudet, suæ Religionis demonstrando, nemo fuisset, qui vel os aperiret, & ego ipse mutus permanerem piscis. Nunc autem  
tantam



tantam hominis insolentissimi ac impudentissimi temeritatem & arrogantiam omninò reprimendam esse censeo, ut & Veritatis partes agam, & criminatori falso talionem quam meretur de jure reddam, atque vel hoc nomine gratum me Discipulum R. P. Joanni Francisco Hacki, Professori olim meo exhibeam, qui pro suâ modestiâ furori Examinatoris hactenus cedendum existimavit, illud Poëtæ secutus:

*Dum furor in cursu est currenti cede furori.* Ovid.

Præsertim quia ut alter Poëta rectè canit:

*Sed caret eventu nimius furor improba nunquam*

*Spes lætata diu.* Claud.

Quamobrem & ille credo aliquando calamum in acumen, non aculeum à quo longè abest in suis scriptis, acuet, manu stringet, doctâ lepiâ impudentem Autoris livorem delebit.

Ecquis non insolentissimum Autoris furorem agnoscat, quando ipse præiens tanquam Professor & Præles, Duxque Gregis, Discipulos suos velut Corybantes, Cybeles Cultores in furorem sacrum secum egit, traxitque, atque ad improbos, quia à nemine prudente & cordato probandos, versus pangendos tanquam Cymbala pulsanda excitavit. Ipse enim *fel cordis atri paliatum sesamo, offuciasq; noxias Ecclesie* Scrutatori Veritatis haud verè adscribit: quem secuti Discipuli, primus *dogmata falsa, & fraudes eidem affingit.* Secundus jam *cæcum, jam lucisorem noctuam, jam tenebras noctis in medio die somniantem* malè somniat. Tertius *vanos errores Papæ turbamtuere,* vanè & temerè matæologizat. Quartus Scrutatorem

*Vexa-*



*Ad Lectorem.*

*Vexatorem inanem, inermem, illius Scrutinium prave religionis certissimam notam falso asserit. Quintus denique lubrico errori eundem erroneè implicat. Quid obsecro sunt ejusmodi plausus, quàm inanes arrogantis animi ausus? Scurriles Cantiones, quibus Triumphus occinitur ante Victoriâ, inconditi risus rudentis Aselli, pelleque Leonis induti superbientis. Sexcentos & plures similes intempestivos applausus posset sibi excitare R. P. Professor meus, possem & ego ejus nomine, verum ut ipsemet è vero in Præf. Scrutini ait: Veritas non eget tragico Theocrime, &c.*



TRU-



# TRUTINA

## PRÆFATIONIS.



Uam laudem mereatur, quâve dignus panegyri is, qui rem acu non tangit, extra oleas fertur, omisâ hyperâ pedem insequitur, à proposito deniq; scopo toto cœlo aberrat. Imò quo Asterisco notandus, quamve censuram incurrit, quia laudibus ad convitia, à sanâ mente ad sannas, à veritatis testimonio ad fallaciarum argumenta criminaque falsi conversus, innocenter infontem non sine gravi noxâ, intemperante calamo aggreditur, nemo prudens & cordatus non novit. Tanti criminis reum altiori doctioris orbis Tribunali sisto Samuelem Schelgvigium Autorem Examinis Scrutini Veritatis iterati. Examine ejusdem malè institutum ad meliorem Trutinam & ipsius æquitatis examen revoco. Scopus & finis Scrutatoris Veritatis ejusdemq; Scrutini non alius est, quàm ut & 12. Postulatis velut prodromis 12. Discursuum Scrutini Christianam unicam Veritatem in tot Sectas & opiniones divulsam, atq; vel ideò in præceps infelici lapsu mentem pro sua virili retineat, à præcipiti casu eripiat, aut jam collapsam è ruderibus eruat. Etenim quæ tot lustris annorum illustis semper, tot seculorum fluxu à Christo D. atq; Apostolis immota contra infernales portas duobus innixa firmitatis & basibus, nimirum verbi DEI: & autoritatis Ecclesiæ Catholicæ, consistebat ab infeliciter coëpta præterito seculo



Protestantica Reformatione, an veriùs deformatione, unâ auctoritat's Ecclesiæ Catholicæ submotâ, solâ verbi DEI base, sine alterius consortio nullâ ratione valet subsistere quin prorsus scadat in præceps, velut, dum

*Collapsarunt subductis tecti columnis.*

At verò Sam. Schelgyig: hæc in tam clara luce posita, limis, an lippis oculis præterit, nec quidem supremis digitis attingit, palpo potius fieri maluit in tenebris, fors quia talpâ cœcior; pulveremque alienis oculis effundere elegit, ut vel sic religiosum Veritatis Inquisitorem, quid dico Inquisitorem? quin seipsum Aletophygam gnaviter & graviter confunderet. Honor enim est in honorante: sibi magis nocet qui innocentem aggreditur, suscitaret se perimit telis, quibus premit caucalo impenetrabilius pectus. De proprio capite comitia agit, qui de alieno iniquo suffragio statuit. Id in suo expertus Goliathus, non alio quàm proprio, etsi aliena victrici Davidica manu, in convitiorym plenis plaustris erectum trophæum, caput referens amputatum.

Quid etenim sibi volunt hæc Samuelis octo pagellis in octavo Pseudologiæ gradu comprehensa, convicia, scommata, & crimina falsi, contra R. P. J. F. P.

1. Ait *Societatis Jesu ut vocatur Theologus*, Quid hæc Parenthesis ad chordam? quid ad rem? Derogantium alienæ aut scientiæ, aut auctoritati, aut cæteroqui fidei bonisque moribus est appendix, *ut vocatur*. Nec quicquam ille frustra vocatur *Societatis Jesu*, qui eam religiosâ vitâ suâ jam triginta annis proficitur; nec *frustra Theologus*, qui Theologi & laudem & lauream ante viginti annos me quoq; spectante reportavit. Non ille profectò portat *nomen inane*, nec meram *nominis umbram*; Nec *Vox est, prætereaq; nihil*. Quid si Tibi Schelgyigi apponam eandem Parenthesin, *ut vocatur Samuel*: id est, ex Hebræo, *positus à DEO* scil. rem nomini haud conformem gerens? utpote



utpote Deo & Christo D se se opponens, quia ejus Ecclesiaz, & Veritati.

2. Inquit. *Tametsi more suorum, non admodum magni faciat Scripturam, & in eo hæcenus desudet, ut auctoritatem ejus pro virili imminuat.* Deprehenderis hic bone Samuel, in aperto crimine falsi & calumniæ velut mendax Atraphaxis, ad debitas proinde & destinatas ejusmodi criminis, & calumniæ reis poenas condemnandus. De Jure tam Civili §. Item Lex Cornelia de falsis Instit. de public. Judic. lib. 1. §. fin. ff. ad leg. Cornel. de falsis Authent. Bona damnatorum C. de bonis proscriptis, quàm Canonico, l. ult. C. de Accus. & l. ult. C. de Calumniat. C. super his 16. C. cum fortius 1. h. t. C. juxta 3. Causa 5. q. 6. Itane R. P. Autor Scrutinii? Itane nos Catholici *non admodum magni facimus Scripturam?* Itane ille? itane nos *in eo desudamus, ut auctoritatem ejus pro virili imminuamus?* At ergone haud legisti Scrutinii parte 2. §. 2. p. 178. in quanto honore habeamus S. Scripturam, *Dicimus enim* (verba sunt Reverendi Patris Autoris) *& docemus S. Scripturam esse infallibilem fidei Regulam.* *Hæc Veritas est definita in Concil. Trident. sess. 4. &c.* Is verò potius non admodum magni facit Scripturam, ejusque auctoritatem imminuit, qui repudiata Ecclesiæ Catholicæ auctoritate solam S. Scripturam statuit Regulam, regulantemve, seu Judicem fidei: etenim ipse met verius est illius Regulans seu Judex, illam scil. ad suum privatum sensum detorquens, eandem explicans, & applicans fidei articulis, pro suo lubitu & libidine. Quod ipsum patet vel ex eo, quia cum omnes hodiernæ Sæctæ hoc asserant, ac pro primo fidei principio habeant, scil. solam S. Scripturam exclusæ Ecclesiæ auctoritate esse regulam & regulantem seu Judicem: nihilominus in regulatis seu particularibus fidei articulis minimè conveniunt, suum potius autorem sensum quàm Scripturam Judicem sequuntur: tantumq; auctoritati ejusdè imminuunt, quantum Scripturam prætendendo, suos illi privatos

A ... è pro-



è proprio cerebro natos supponunt sensus & interpretationes. Id quod fusiùs toto Scrutinio Veritatis probatur manifestè Unde ipse potiùs examinador Scrutini in eo more suorum desudat, ut *S. Scriptura pro virili auctoritatem imminuat*; quod ipsum de sui temporis hæreticis, longè ante agnoscit D. Augustinus cont. Faustum l 32. c. 19. *Heretici hoc agunt, ut omnis de medio Scripturarum Auctoritas auferatur, ut suus cuiq; autor animus sit, quid in quaq; Scriptura probet, quid improbet &c.*

3. Pluribus deinde redarguit R. P. Autorem Scrutini Examinator: ac inprimis, ipsemet fronte caperatâ, aut planè fronto, fronte carere, eundem sinistro oculo conspicit, an despicit? vel ideò ipse despiciendus. *Recentemq; Plagiarium* facit, eò quòd ut non jam amans sed veriùs amens sibi ipse somnia fingit. Quasi R. P. Autor Propositiones 12. à Jodoco Keddio ex eadem Societate vulgatas, quæ Erhardo Comiti Truchses à Wetzhausen occasio & motiva causa fuère sese ad Ecclesiæ Catholicæ Romanæ gremium conferendi, sibi proprias fecerit, nec quidquam aliud in suis 12. Postulatis comprehenderit, quàm quod ille in suis Propositionibus, nullam tamen Jodoci Keddii mentionem fecerit. Nimis quàm acerba est hæc Examinatoris criminatio, quâ orbi palàm facit se de familia esse Megarici aut Pyrrhandri Sycophantæ insigniter versuti, notæque malitiæ: ad mera enim commenta, & falsitatis, malitiæque insignis machinamenta conversus fucum suis inducere, & non veritatem detegere animo habuisse, res ipsa loquitur: idque tum ex infra dicendis patebit, tum ex conficto crimine falsi. Nam inprimis fateor utrumque & Jodocum Keddium, & R. P. Autorem Scrutini convenire in fine & scopo, ad quem tendunt, ille suis 12. Propositionibus, hic 12. Postulatis in Scrutatore, & 12. Discursibus in Scrutinio, Nimirum ut unicam Veritatem fidei demonstrent, à qua eo ipso longè dissident, Dissidentes Neo-Evangelici, quia in tot inter se, atque à Catholica Romana Ecclesia Dissidentes Religionis



ligiones & Sectas dispescuntur. Et ad hoc quidem argumentum probandum assumpsit Jod. Kedd. Propositiones 12. Noster Scrutinii Autor 12. Postulata & Discursus, quæ inter se non planè conveniunt in omnibus, etsi Examinator convenire frustra contendat. Nam in primis fundamentum Postulatorum & Discursuum Autoris Scrutinii hoc est, ut ex eo ipso fidei principio, quod omnes Dissidentes assument, nimirum solam S. Scripturam esse Regulam & regulantem, seu Judicem fidei exclusâ Ecclesiæ Catholicæ autoritate, demonstrat sequi nullitatem omnium & singularum Religionum, idque totâ primâ Parte Scrutinii solidis probat argumentis, atque ita propriis Ecclesiæ Catholicæ Romanæ antagonistastelis conficit. Quod medium in suis propositionibus Jod. Kedd. non assumit. Deinde ea quæ postulat Scrutator non vult probari quocunque argumento, aut ratiocinatione, sed ex sola fidei suæ regula S. Scriptura desumpto: quod non ita urget Jod. Kedd. cum expressè propositione 1. sic ordiatur, *ut ratione quapiam aut argumento peculiari probent.* Item 2. Propos. *ut probet argumento quopiam seu ratiocinatione peculiari.* Item, Propos. 4. *demonstrètur ratiocinatione, aut argumento, &c.* Et si in hoc conveniat uterque quòd tale requirant argumentum quo non æquo jure possint alii discrepantes à se uti. Adhæc aliqua Postulata habet Scrutator, quæ non attingit Jod. Kedd. Nam primi nec mentionem facit: & quamvis Examinator dicat *nimis esse absonum, & si viveret Kedd. suo forte calculo nunquam dignaretur.* Id temerè & nugaciter more suo effutit. Etenim hoc ipsum est fundamentum & basis omnium Controversiarum fidei, atque ideò etiam à Scrutatore primo, & principe loco ponitur: nimirum de regula & regulante, norma & normante, adeoque Judice fidei; ab hac enim Controversia omnes aliæ pendent. Id quod omnes polemicæ Theologiæ benè periti fatentur ingenuè. Item Jod. Kedd. in suis Prop. non meminit Postulati Scrutatoris



decimi, undecimi, de Symbolo seu Confess. fidei, neque de Catechismo & libris dogmaticis, neque duodecimi; De possibili nova Confessione ex S. Scriptura desumpta. Scrutator quoque alia non attingit quæ adfert Kedd. Nam nihil habet de *miraculis Apostolorum* de quo Keddii Propos. 5. Nihil de *Ecclesia qua extra Romanam docuerit Gentes Evangelium Christi* de quo Prop. 9. Nihil de *Romano Pontifice*, nihil de *Ecclesia Romana*, *an tam hac quàm ille aliquid contrarium Scriptura credendum decrevit?* de quo Prop. 10. & 11. Viderit igitur quâ veritate, aut veriùs falsitate præsumserit dicere, *non ovum ovo, aut lac lacti similis esse, quàm Scrutatoris Veritatis Postulata Propositionibus Keddii*: quòdque *unus sit expilator alterius*: & sexcenta alia quæ ad Pseudologiam a suo ore effudit an effudit Schelgvig. Qui dum hoc scribendi genere, suam eruditionem vendicare contendit nimium rudem declarat Mineram rudentis asini ad Lyram: sequè hominem tressis aut tragicum Theocrinem totidem verbis quot R. P. Autorem Scrutinii carpere impudenter audet, palàm edisserit: ita in eundem redit, id quod initio præfationis de nostro Autore Scrutinii dictum voluit, ex Eccles. nim. *Nihil sub sole novum* carpere scilicet: ac proscindere innocentem, nec valet quisquam dicere, *ecce hoc recenset*: quòd Schelgvig. in R. P. Aut. Scrutinii plenis plaustreis pseudologiarum intemperante animo & calamo invehat. Et sic ita sanè quòd R. P. Autor Scrutinii conveniat cum Keddio: Ergone ideò extemplo *Expilator, Plagiarius recens, alieno cothurno innitens, crambem recoquens*, & nescio quis tandem Schelgvigio audire merebatur? Qui utique huius Præfat. ad lect. apertè protestatur ex D. August. quòd *cum non omnia quæ ab omnibus conscribuntur, in omnium manus veniant, & fieri possit, ut nonnulli qui etiam hac nostra intelligere valent, illos planiores non inveniant libros (v.g. Keddii aut aliorum) & in istos saltem incidant: ideòque utile est plures à pluribus fieri diverso stylo, non diversâ fide,*  
etiam



etiam de questionibus eisdem, ut ad plurimos res ipsa perveniat ad alios sic, ad alios sic l. 1. de S. Trin. c. 3. Legere est in Vener. Beda (ut taceam de aliis etiam veteribus Scriptoribus) integros paragraphos. | & sententias desumpas ex S. Augustino: Ergone statim dicendus Expilator, Plagiarius?

Id denique Schelgvgius sibi appropriet quod D. Gregori: l. 2. Mor. c. 7. ait. *Arrogantes viri habere hoc proprium solent, ut dum in nimia invectione prodeunt, etiam invehendo mentiantur, & cum non possint reprehendere iuste, quæ sunt, reprehendunt mētiendo quæ non sunt.*

## TRUTINA.

Numeri 1.

**D**E Prolegomenis libro affixis. 1. Ad Titulum libri. *Qui veritatem fidei scrutatur extra Scripturam pro thesauro, carbonem reperit.*

Opportunè Examiner carbonum meminit, an unus è Carbonarius? Nimirum carbonum est nigrum colorem inducere: hoc facit ille: Denigrat enim famam R. P. Autoris Scrutinii, & Ecclesiæ totius Romanæ Catholicæ. Carbonum est ut fomitis loco sint igni cineribus in eisdem sepulti. Fomentat ille & fovet ignem cineri doloso dum aliàs in Præf. ait, *ut omnem animi ad injuriam inferendam proclivis suspicionem amoliamur*, & tamen pro quantam R. P. Autori Scrutinii intulit injuriam? Carbonum est crepare & crepitare injecto eisdem sale! crepitat & crepat Examiner ad injectum in Scrutinio Veritatis Salem. Carbonum deniq; est incinerem & favillam redigi. In favillam cum suâ doctrinâ redigitur ille, dum soli Scripturæ favere videtur, ab omni Judicis favore excludendo Ecclesiam Catholicam. Ex hoc enim unico Principio nullitatem omnium Dissidentium Religionum demonstrat manifestè Scrutinio suo Veritatis fidei R. P. Autor.

Videamus insuper & exsufflemus has carbonum favillas. In-  
primis.



primis. Quis unquam Catholicorum somniavit Veritates fidei extra Scripturam scrutandas absolute & simpliciter, ita scilicet ut nullus absolute articulus fidei in Scriptura reperiri à nobis dicatur, nec ex illa probetur: Cum manifestè R. P. Aut. Scrutinii asserat S. Scripturam esse normam & regulam fidei, adeòq; tenet omnes articulos fidei in dicta regula reperiri explicite vel implicite. Sed quia à diversis diversimodè articulis fidei applicatur, ob diversam illius explicationem & interpretationem: dicimus nos Catholici præter S. Script. debere dari distinctum regulantem, explicantem, applicantemq; illam ad veritates seu articulos fidei, adeòq; distinctum Judicem fidei. Id certè quicumq; nobiscum docet verè pro carbonibus thesauros, qui negat carbones pro thesauro reperit. Deinde. Vbi hæc Propositio Schelg vigili nim: *qui Veritatem fidei scrutatur extra Scripturam, pro thesauro carbones reperit.* Iisdem verbis, vel eodem saltem sensu in S. Scriptura reperitur? En pro thesauro neccarbones, sed favillam, quin merum nihil reperit in S. Scriptura hic Carbonarius. Conf. ait Es, II, 20. Id est, (si mihi cōcessum est ænigmata tanta referre) cōfiteatur vel cōfirmat Itaias C. 8. V. 20. ubi nim: ait. *Ad Legem magis, & ad testimonium. Quod si non dixerint juxta Verbum hoc, non erit eis matutina Lux.* Ita est, *ad Legem magis &c.*; ac ubi hoc textu pro thesauro carbones reperit, qui Veritatem fidei scrutatur extra Scripturam? Vbi hoc toto textu vel unum jota de Thesauro, de Carbonibus, de Veritate fidei, de Scrutinio extra Scripturam. Proh quantas hic homo, pro thesauris, non carbones, aut favillas imò nihil vendit & venditat.

2. *Ad Legem magis & Testimonium*; quæ Consequentia? Ergo, inquis Verbum DEI solum scriptum, exclusâ Ecclesiæ autoritate est Regula & Regulans seu Judex fidei. Planè ad rem, ita prout aliàs nugando dicimus, baculus in angulo, ergo cras pluet; Examiner autoritati Ecclesiæ in judicandis rebus fidei detrahit; Ergo Papa Romæ mortuus. *Ad Legem magis & Testimonium*, Proph. remittit



mittit Israelitas, sed nihil meminit Legis scriptæ vel non scriptæ? nihil de rebus, seu quæstionibus fidei? Nihil an illa sit Regula & Judex?

3. *Ad Legem magis ait Propheta.* bene habet: Legem utiq; intelligit veterem, quia de illa utique & ad homines, & de rebus ætatisque veteris legis loquitur. De lege nova altum silentium. Ergo sola lex vetus norma & regula fidei: in illa sola veritas fidei scrutanda? Quod si ita: annon pro thesauro carbones invenerit Examinator?

4. *Ad Legem magis, inquit, & Testimonium:* nimirum in sensu composito, At quod hoc Testimonium? Nunquid S. Scriptura? at hæc jam inmediate nominata, *ad Legem magis* scilicet S. Scripturam: Quid sibi vult copulativa, & *ad Testimonium.* Nimirum hoc est quod tanto perè urget R. P. Aut. Scrutinii. Non sufficit sola lex, seu S. Scriptura, requiritur & testimonium Ecclesiæ; illa sit Regula seu Norma, hæc regulans seu normans. Illa Legis obeat vicem, hæc Judicis ac testium fidei officium. *Qui non dixerint juxta verbum hoc profectò non eis erit Lux matutina.*

5. *Ad Legem magis & Testimonium,* optimè. At quid si Lex & Testimonium haud clarè aliquid & dilucidis verbis proponat? quid si varium sensum habeat? quid si diversæ quin contrariæ & oppositæ illius à diversis fiant interpretationes? atque inde oriantur dubia, lites, controversiæ, uter interpretantium melius mentem Legis & Testimonii intelligat, & explicet? quis hic diremtor litis? quis arbiter & Judex? Non ipsa lex: supponitur enim haud dilucidis verbis loqui, diversumque habere sensum. Quis igitur? nunquid privatus quispiam? & non potius ipsa Ecclesia Catholica? Quod ipsum fusiùs in Scrutinio Veritatis Parte I. Discursu I. & aliàs probari legere est.

6. Denique quid ibi velit Propheta patet ex antecedentibus, postquam enim dixisset: *Et cum dixerint ad vos, querite ex Pythoni-*



bus, & à diuinis, qui strident in incantationibus suis : Nunquid non populus à Deo suo requireret, pro vivis à mortuis ? tum subdit Proph. ad legem magis & testimonium &c. Ubi DEUS per Prophetam dehortatur Israëlitas ne pythones & incantatores consilii gratià in suis negotiis adeant, sed potiùs sese conferant ad Legem & Testimonium : nimirum per Legem & Testimonium intelligit Legem datam per Moysen : ut scil. secundùm illam ac praecepta Legis se se gerant, & vivant, praesertim, quia pythones interrogare est peccatum contra primum praeceptum. Hæc est mens Prophetæ genuina : non autem quasi his verbis velit contendere quòd Verbum DEI scriptum sit Regula & Judex fidei : praesertim cum nulla ibi fiat mentio Verbi scripti.

Porrò ad confirmandam futilem & frigidam suam thesim seu Propositionem scil. *Qui veritatem fidei scrutatur extra Scripturam, pro thesauro carbones reperit.* Aurei oris thesaurum expilare praesumit Examinator : Sed frustra, quia ne hic ditior factus, pro thesauro meros in capite suo natos carbones reperit. Nam in primis his duobus testimoniis S. Doct. seipsum in faciem cedit, sibi enim ipsi contrariatur. Non vult enim suâ propositione scrutandam esse *fidei veritatem extra Scripturam*, aliàs eum qui id faciat, *pro thesauro carbones reperturum.* Iple autem extra Scripturam veritatem huius ipsius propositionis in S. hoc Doctore quærere & reperire contendit. Duo enim ex illo adducit testimonia, idque sat fusè, & energicè cum ex Script. solùm uno idque solùm annotato loco sit contentus. Deinde illo loco in Match. Homil 4. *Noli igitur tu quicquam ulterius scrutari, sed suscipe quod relatum est, & noli indagare quod tacitum est.* Nihil prorsus de Scriptura, nihil de thesauro, nihil de carbonibus : vim omnem ponit in eo *scrutari*, ideòque majuscula imprimi voluit, ac S. Doctor non addit quidquam de Scriptura. Quin si liceat mentem ejusdem explicare, dicam, *tu noli quidquam ulterius scrutari,* seu



seu ut Edit. Paril. 1570. *inquirere* scil: in Scriptura, *sed suscipe quod relatum est*, seu ut dicta edit. *revelatum* nim: per traditionem Apostolicam Ecclesiae, & *noli indagare quod tacitum est*, scil: in Scriptura Et eam quidem mentē fuisse S. Patris patet vel ex ipso cōtextu, quia prae citatis verbis concludit quæstionem singularem de Incarnatione & Generationis Filii DEI, quomodo nimirum peracta sit? *Quemadmodum* inquit *de Radice Jesse processit? quemadmodum Virga? quemadmodum Flos? quemadmodum Filius hominis? quemadmodum Mater est MARIA? quemadmodum ex David factus est ex semine? quemadmodum Dominus formam servi acceperit? quemadmodum VERBUM Caro factum est &c.* Quoniam igitur ex nobis, i. e. ex nostra sit omnino natura, & ex utero Virginali? & per ista qua diximus & per alia plura monstratur? At quo modo non item, nimirum non item monstratur ex Scriptura: Nam de modo quo peracta sunt hæc tacet Scriptura. Itaque optimè S. Pater concludit, *Noli igitur tu quidquam ulterius inquirere, sed suscipe quod relatum seu revelatum est, & noli curiosè indagare quod tacitum est.* Scil. in S. Literis, atque ita contentus esto doctrinā ab Ecclesia acceptā & traditā à maioribus, etsi non sit expressa dilucidè in Scriptura? Quantum enim hic S. Pater præter Scripturam tribuerit traditionibus Apostolicis & Ecclesiasticis, dicam brevi. Sed nec in secundo loco pro se Examiner thesaurum reperit. Nam in primis ex Autore Imperf. Oper. in Matth. hom. 49. adfert locum: quem aliās Autorem cum suis non adeò magni facit. Viderit ergo ne pro thesauro carbones repererit. Non planè etiam sincerè locum hunc adducit, quæ enim interpolatim loquitur S. Pater, in uno non interrupto textu non factā interpolatione, allegat. Deinde explicans ibi Matth. 23. *De abominatione desolationis, stante in loco sancto* illam abominationem applicat hæreticis, qui scil. Si sibi solis attribuant Eccles. Catholicam docet fugiendum esse ad S. Scripturam, utpote quæ illius universalitatem sufficienter demonstrat. Id quod se-

cit & Oprat Milevit. contra Parmen. Item August. pluribus locis. Insuper optimè *contra hereses nulla probatio potest esse vera Christianitatis, neque refugium Christianorum aliud, nisi Scriptura Divina*, hoc sensu quando scil. illarum interpretatio est manifesta, & in luce: atquè tunc etiam Vera Ecclesia Christi non cognoscenda est, nisi tantummodo per Scripturam: nec ad ullam aliam rem fugiendum esse, nisi ad Scripturas. Sed ubi ex contradictione hæreticorum dubius factus est sensus, & interpretatio Scripturæ, indubiè ad Ecclesiam, tanquam Magistra Vicaria Christi autoritate & Assistentiâ Spiritus S. gaudentem ejusq; Traditionem fugiendum erit, aliàs nunquam finis erit litium & controversiarum. Et hanc quidem omnino mentem esse S. Patris patet, tum quia pluribus locis testatur, ab hæreticis depravari Scripturas Tom. 1. in Psalm. 118. Tom. 2. in Matthæum 24. Homil. 49. Quæ loca citantur in Scrutinio Veritatis Fidei Parte 1. Discursu 3. p. 12. Tum quia Traditiones Apostolicas in Ecclesia approbat. Tom. 2. Homil. 52. Tom. 4. in 2. Tim. 1. v. 13. hom. 3. ubi ostendit à D. Paulo Apost. plura absque Scripturis tradita esse. Tom. 4. in 2. ad Thessalon. c. 3. meminit Traditionis per opera Tom. 4. in Epist. ad Philip. c. 1. ferm. 3. ad fin. Traditionem Apostolicam ait esse in venerandis & horribilis mysteriis orare pro iis qui in fide decesserunt. Tom. 4. in Epist. 2. ad Thess. c. 2. hom. 4. super illa verba. Itaq; Fratres tenete Traditiones, quas didicistis, sive per sermonem, sive per Epistolam nostram (ait.) Hinc est perspicuum quòd non omnia tradiderunt Apostoli per Epistolam. Sed multa etiam sine scriptis, & ea quæ sunt fide digna. Quamobrem Ecclesia quoque Traditionem censemus esse fide dignam. Est Traditio, nihil querat amplius. Denique quantum præter Scripturam tribuerit etiam Ecclesiæ hæc S. Pater audiamus. Tom. 1. hom. in Ps. 118. loquens de hæreticis. Neque



ex Divinis Scripturis locuti sunt. Nos autem qui Evangelium sequimur, & rectè de Divinis rebus sentimus, quemadmodum Sancta accepit Ecclesia, sic loquimur, & paulo post, docet nos Traditiones eas quas accepimus retinere, scil. David, illis verbis. Ego autem non dereliqui mandata tua. Dic jam sodes etiam D. Chrysostomum cum Catholicis Carbonarium, qui præter Scripturam ad Ecclesiam sese confert. Ergò & D. Chrysostomus Veritatem fidei apud Ecclesiam scrutans pro thesauro carbones reperit? Ita scilicet: reperit sanè ille thesauros, quia aureum Os ab orbe Catholico dictus; carbones, quin favillas, reliquit Examinatori Scrutini.

## TRUTINA

Numeri 2. ad Dedic. p. 3.

**A**ut in Congregatione Tridentina per legitimam excommunicationem eieci sumus ex Ecclesia, aut non. Si posterius; Antagonista per hypotheses suorum nos hæreseos insimulare nequit; quod tamen hic atque alibi passim facit: Si prius; quacunque nunc excommunicatio ob causas novas, sive in totam Ecclesiam nostram, sive in partem eius vibretur nihil aliud est, nisi fumi umbra, fuculus gladius, fulgur ex pelvi; quinimo per excommunicationem novam qui eadem feriuntur, antehac à Congregatione Tridentina non legitime excommunicati fuisse declarantur.

Numero hoc & cornuto argumento arietare contendis Schelgvigie contra R.P. Aut Scrutini, at ita ut ipse scenum in cornu gestare manifestè comprehendaris, uno tamen idu utrumq; arroganter nimis

elatum corâu infringimus, Dico enim in Congregatione Trid. legitima excommunicatione ejectos esse omnes hæreticos ab Ecclesia Romana Catholica Dissidentes; nihilominus tamen eos adversâ fronte, & durâ cervice videns Ecclesia patitur, habetque pro toleratis: ita prout Pater discolum filium, Dux militem, protervum, Dominus servum procacem, Pastor ovem petulantem & errabundam tolerant, non tollunt, tolerant tamen Pater filium, Dux militem, Dominus servum, Pastor ovem, ut filii licentiam, militis proterviam, servi procaciam, ovis petulantiam, & errorem è medio tollant. Unde etiam licitum est Catholicis præsertim in locis ubi permixti cum hæreticis vivunt, ut hic in Polonia, Prussia & alibi in Germania, civilia commercia cum iis inire: qui quamvis sint publici & notorii hæretici, habentur tamen pro toleratis, quia non sunt expressè & nominatim denunciati ita Pirrhing Juris Canonici methodo nova, Tomo 5. lib. 5. tit. 7. Sect. 2. §. 2. N. 24. citans Azor, Sanchez, &c. Atque hoc posito, potest ob novas justas causas Excommunicatio à tota Ecclesia, aut ab Ecclesiæ particularis seu Diocesanæ Episcopo vibrari in vestram Ecclesiam, ejusdemque particulares personas, & in quoscunque tandem committentes facinus aliquod habens annexam excommunicationem ex C. *Cum ab Ecclesiarum* 3. de offic. Jud. Ordin. Adeoque poterat hoc anno ab Illustrissimo & Reverendissimo Domino (quem tacito nomine nimis quam manifestè peti quis oculatus non vidit?) Domino Casimiro Joanne Opalenski Episcopo Culmensi excommunicari civitas Torunensis ob justas causas recens ab eadem datas, ipsi Illustrissimo Domino Episcopo notas, fuitque excommunicatio talis. *Censura Ecclesiastica privans eos, in quos est lata à Communionem fidelium.*

Et enim præter Papam Supremum Judicem hæreticorum uti & Concilium, Papæq; Legatum à latere, etiam Episcopus est ordinarius



dinarius Judex ratione officii & muneris sui omnium hæretico-  
 rum suæ Diocesis, five illi Clerici sint five Laici Hostiens. in *C. Ad  
 abolendum* q. 11. Singuli Episcopi, & ibi Joann. Andr. n. 3. & Abb.  
 n. 3. h. t. & alii communiter apud Farrinac. tr. de hæresi q. 186. §. 1.  
 n. 5. & constat ex Clement. 1. §. Propter quod ibi, per Dioecesanos  
 Episcopos. h. t. Ratio est, quam etiam adducit Pirrhing cit: Sect.  
 5. §. 1. Quia ad Episcopum spectat extirpatio hæresis, & lupos  
 à caula ovium arcere: idquæ extenditur etiam ad exemptos à  
 Jurisdictione Episcopi, quod is etiam quoad illos possit cogno-  
 scere de crimine hæreses, non ut Judex ordinarius, sed ut Judex  
 delegatus Papæ, juxta cit: *C. Ad abolendum* §. fin. Quodsi igitur  
 Episcopus in sua diocesi est Judex ordinarius hæreticorū, quoad  
 ipsam causam hæreseos, Ecceur non quoad alias causas v. g. vio-  
 lentæ invasionis, rapinæ, profanationis, atquæ possessionis malâ  
 fide templorum Catholicorum de jure ad Catholicos spectanti-  
 um, imò recens à Loci ordin. reconciliatorum? Ratio est quia  
 omnes causæ ad forum Ecclesiasticum quomodolibet pertinen-  
 tes coram Ordinario Loci in prima instantia decidi, & saltem in-  
 fra biennium terminari debent. Ita Concil. Trid. Sess. 24. c. 20.  
 per quod ita tradunt Mar. Antonin. Variar. L. 1. resol. 15; n. 3.  
 Franciscus Leo in thes. fori Eccles. part. 2. §. 1. n. 70. Noster Pia-  
 secius in Praxi nova Episc. p. 2. c. 4. n. 3. & plurimi alii citati à Bar-  
 bola de Officio & Potest. Episc. part. 3. alleg. 81. n. 1. 2. Atqui vio-  
 lenta invasio, rapina, profanatio, atquæ possessio malâ fide tem-  
 plorum de Jure antiquo, quin ex superabundanti ab Lociordina-  
 riis per Juris processum in Curia S. Regiæ Majestatis evisto, ad  
 Catholicos spectantium, imò etiam recens, à Loci Ordinario re-  
 conciliatorum: est Causa ad forum Ecclesiasticum pertinen-  
 s, Ergo coram Loci Ordinario in prima instantia decidi, & saltem in-  
 fra biennium terminari debebat. Quodsi verò in tali casu &  
 causa subditos, inobedientes, quin contumaces, & refractarios,  
 quia

quia ad præviam citationem, neque sese sistere ad audiendum & respondendum, nec ejusdem Judicio subdere volentes reperiat Episcopus, quis neget eum Excommunicationis fulmen in eosdem vibrare posse? De Apodosi seu hypothesei nolo multa verba facere: Hoc enim ipsum in se continet, quod thesis loquitur, Causa Thorunensis. Quæ quo nomine ab Examinatore huc adducta planè non intelligo, nisi illo artificio, quo apud Poëtam *amphora cæpit institui, cur urceus exit?* Quid adhæc Schelgvigi? Annon tot tuæ metaologicæ illationes & consequentiæ meri sunt paralogismi? Hæcine è contra quæ à nobis afferuntur, tibi fumi umbra, ficulus gladius, fulgur ex pelvi? Ignosce! quin tuus ille cornutus Syllogismus (cùm adeò tibi in agglomeratis complaceas adagiis) est coraix Aquilam provocans, nebulae in pariete, nummus plumbeus, Carica musa, pastus tinearum; denique si tibi plura arrident, Centuriæ adagiorum Erasmi affatim suppeditabunt.

## T R U T I N A

Numeri 3. ad Præf. i. p. 25.

**Q**uod Lutherus ut Antesignanus, Anabaptistis, Mennonistis, Serveto, ac Socino caduceum & facem pratulerit perversi ingenii commentum, seu ut quod res est, calumnia est.

*Quomodo turbatus oculus inquit Clemens Lib. 7. Strom. ita etiam anima conturbata, non potest Veritatis lucem perfectè videre, quin etiam ea quæ sunt præ pedibus agrè intuetur. Solum itaque vitium in turbato oculo sufficit, ne objectum ita cernatur & discernatur, ut cerni ac discerni ex natura sua requirit. Viciato, turbatoq; oculo Examinator R. P. Autor. Scrutinii intuitus, & perversum ingenium, & calumniam in eodem, ut perversè vidit, ita temerè affinxit: Non perversi ingenii commentum, nec calumnia*



lumnia est Veritatis testimonium. Callum in Pseudologia obdixit, qui calumniam ei objicit, cui Veritas pro columna & firmamento: ita ut quod Examinatore approbante rectè dixerat R. P. Autor. Scrutini in Præfat. l. p. 7. *Non est excelsi & generosi animi sed veriùs abjecti, ac è trivionati, verbo hominis tressis, alieno nomini maculas inspergere, toto haud faciliè abstergendas oceano. Sola falsitas tum sese vel maximè prodit, cum seipsa altare impositens, in subsidium advocat maledicentiam.* Id totum sibi dictum accipiat Examinator. Etenim mentem R. P. Autoris Scrutini malè & perversè commentatur. Est hæc commentatiò ipsius perversi ingenii commentum. Cùm enim R. P. Autor Scrutini ait, *Lutherum ut Antesignanum Anabaptistis, Monnonistis, Serveto, ac Socino caduceum, & fa. em prætulisse,* non hic est ejus sensus, quasi Lutherus omnia & singula dogmata horum hominum docuerit & tenuerit: id quod tanquam commentum perversi ingenii perversè affingit eidem Examinator. Sed quòd Lutherus (quem præterito seculo classicum pro reformatione Ecclesiæ occinuisse lippis & tonsoribus notum est) assumpto illo pro eadem reformatione primo Principio, *Solum & unicum Verbum DEI scriptum est Regula, Norma & Juxta fidei exclusâ Ecclesiæ Autoritate:* ex quo ipse certum fidei Symbolum, seu Confessionem, certaq; dogmata, & Articulos, confecit, quos ipsam Apostolicam, Evangelicam, ac ipsius Christi D. Doctrinam esse asserbat: assumpto, inquam, hoc primo Principio, ansam occasionemq; præbuerit illis omnibus diversos planè toto cœlo Articulos fidei, Symbola & Confessiones procudendi super unius ejusdemq; planè ut ita loquar, incudem Principii. Etenim nulli vel leviter in quæstionibus fidei controversisticis perito non constat, omnes hos Calvinianos, Anabaptistas, Socinum, Quakeros, &c: ex eodem principio sua Symbola, Confessiones, seu Articulos fidei confecisse, eosq; ab unoquoq; vel ideò Apostolicos, Evangelicos ipsius

C

Christi

Christi D. habitos. Quis igitur non dicat cum R. P. Aut. Scrutini Lutherum præterito seculo, caduceum & facem prætulisse v. omnibus. Unde omnes & singuli hoc vel simili modo argumentabantur v. g. Socinus, Solum Verbum DEI scriptum est regula, norma, & Iudex fidei exclusâ Ecclesiâ Catholica autoritate, ita ut quidquid clavis & disertis verbis loquitur, id tanquam articulus fidei sit credendum, secus si non clavis, & disertis verbis quidpiam edicat. Sublumbant, Atqui, in DEO dari Tres Deitatis personas: Item Filium esse consubstantialem ab aeterno Patri: dari Sacramenta &c. S. Scriptura clavis & disertis verbis non edicit. Neque enim ullibi in Scriptura hoc Verbum seu Nomen Trinitas, Persona, Consubstantialis, Sacramentum, &c. exstat clavis & disertis verbis. Ergo non est credendum. Sublumbant item Anabaptistæ, subsumuntq;. Atqui nullibi S. Scriptura clavis & disertis verbis docet infantes esse baptizandos, Confessionem peccatorum instituendam coram Ministro, &c. contra clavis verbis docet lotionem pedum, non esse jurandum neq; pugnandum, &c. Ergo hæc non illa sunt credenda.

Sublumbunt denique Quakeri alios suos fidei articulos negantque manifestè ex eodem Principio ss. Trinitatis personas, baptismum aqua, Sacram Cœnam, & cætera similia. Ita igitur clarè patet Lutherum caduceum & facem ut antesignanum prætulisse v. omnibus. Etenim ille censendus est ut Antesignanus caduceum & facem præferens Calvino, Mennoni, Socino, Quakeris &c. in rebus & materia fidei, qui primus est Autor primi Principii, ex quo pro reformatione Ecclesiæ, suas Confessiones, & dogmata fidei omnes confecere Calvinus, Menno, Socinus, &c. Hoc etenim per antesignanum è hujus vocis etymologia intelligi constat. Atqui Lutherus est primus præterito sæculo Autor primi illius toties dicti Principii fidei, ex quo pro Ecclesiæ reformatione suas Confessiones & dogmata fidei confecere Calvinus, Menno, Socinus, Quakeri: ut etiam constat toti orbi. Ergo Lutherus primus præterito



præterito seculo tanquam antesignanus caduceum & facem prætulisse Calvino, Mennoni, Socino, Quakeris in rebus & materia fidei censendus est. Et hoc quidem satis sit pro justificatione & vindictis R. P. Autoris Scrutinii, quod ejus de Luthero effatum longè sit à perversi ingenii commento, & calumnia; adeo ut quid quid in defensionem Lutheri adfert Examiner meræ sint cassæ nuces, Tricæ Apinæ, ranarum palustrium cantiones, ut proinde aut melius iis responderi possit, quàm silentio: Ut ita os taciturnitatis honore signatum retineamus, Tert. de Patient. c. 15.

## TRUTINA

Numeri IV. ad Præfationem i. p. 6.

**S**ingularem mundi contemptum, eximium sui in tribus religionis votis Paupertatis, Castitatis, & Obedientiæ, supremo Numini oblatum holocaustum, stupendum humilitatis caterarumq; Christianarum Virtutum exercitium, imitationemq; DEI & Salvatoris nostri in novis (Pontificiorum) ordinibus, præsertim Jesuitico, nemo videt aut admiratur, nisi qui ara à Lupinis i. e. hypocrisin manifestamq; impietatem à pietate discernere nescit.

Hic jam pestilentissimum virus suum, genimen vipereum evomuit: Hic id quod sibimet ipsi accommodatius initio hujus famosi libelli inscripsit *fel. cordis atri palliatum* sesamo effudit quando maledicentiâ & pseudologiâ penitus imbuto ore talia effutit. Parum illi fuit Ecclesiæ Catholicæ venerandos, sacros, DEoque dicatos Ordines despectui habere, nisi etiam sigillatim impiissimo impudentissimoque (quod modestæ aures audire horrent) convicio insignitè incesleret insignem Ordinem Jesuiticum, seu Societatis Jesu, ut se ex illorum divitum numero esse ostenderet, de quibus Poëta dixit;

*Isthic est Thesaurus stultis in lingua situs,  
Ut questui habeant malè loqui melioribus.*

Itaque verò tibi irreligiose Vir Religiosorum omnium ac præcipue Societatis JESU, singularis mundi contentus, tria Paupertatis, Castitatis, & Obedientiæ vota, humilitatis, cæterarumque Christianarum virtutum exercitium, imitatio Domini Salvatoris nostri, hypocrisis quin manifesta impietas? Hypocrisis igitur imò impietas tibi est id quod Christus D. iussit. *Si vis perfectus esse, vade & vende omnia que habes, & da pauperibus, & habebis thesaurum in celo* Matth. 29. 21. Et, *Si quis vult venire post me abneget semetipsum, tollat Crucem suam & sequatur me.* Matth. 16. 24. Et, *Omnis qui reliquerit domum vel fratres, aut sorores, aut Patrem aut Matrem, aut Uxorem, aut Filios, aut Agros propter nomen meum, centuplum accipiet, & vitam æternam possidebit.* Matth. 19. 27. Et, *Sunt Eunuchi, qui se castraverunt, propter regnum Cælorum, sed non omnes capiunt verbum hoc.* Quæ verba explicantur à Sanctis Patribus Cypriano, Chrysostomo, Hieronymo, Augustino de voluntaria Virginitate & Castitate. Vide Bellarm. de Monachis lib. 2. cap. 9. Hypocrisis imò impietas tibi est quod fecere Apostoli: *Ecce nos reliquimus omnia & secuti sumus Te.* Matth. 19. 27. Id quod illorum exemplo faciunt omnes Religiosorum & Societatis JESU Ordines. Hypocrisis imò impietas tibi id quod præcipit DEUS. *Si votum voveris nemoreris reddere, quia requirit istud Dominus.* Deut. 23. 21. Item apud Psalmistam. *Vovete & reddite.* Pl. 75. 12. Non impietas, sed pietas tibi, manum (contra Domini monitum) *mittere ad aratrum & respicere retro apertusque est Regni DEI.* Luc. 9. 62. Hypocrisis quin impietas tibi vita casta Deo dicata, adeoque qui è consilio D. Pauli, *non iungit matrimonio Virginem suam, non melius sed peius, quin impiè facit, nec beator, quin magis maledictus & impius erit si sic permanserit secundum consilium* eundem Apostoli. 1. Cor. 7.

Insuper Hypocriteos & manifestæ impietatis tibi audient Autores Sacrorum Ordinum Fundatoresque Antonius; Basilius, Au-



us, Augustinus, Benedictus, Dominicus, Franciscus; & ceteri, Igratius deniq; Patriarcha & Fundator Societatis JESV. Meras ac manifestas impietates, se scilicet arbitro! sectari sunt tot Eremitæ, tot Cœnobitæ, tot DEO consecrati Viri, Virgines, ac mulieres, mundum ac secularia desideria contemnentes &c. Votis continentia, obedientia, & paupertatis voluntaria se DEO obstringentes. Meram ac manifestam impietatem defenderunt, qui tantis ad sidera encomiis exexerunt continentiam & castitatem, eandem testimoniis S. Scripturæ comprobantes SS. Patres & Doctores Ecclesiæ. Ignatius Epist: ad Thess. & Antiochen. Dionysius Eccles. Hierarch. cap. 6. Martialis Epist ad Tholos. cap. 8. Clem. Alex. Strom. 3. Origin. Homil. 23. in Numer. Hilar. in Psal. 64. Eusebius vita Constant. Cyprianus de habitu Virg. Item in Isaia 56. Caput, ubi de Eunuchis voluntate non naturâ, aut abscissione verba Prophetæ exponit, & cum illo Hieronymus. Hic item lib. 1. contra Jovinianum. Athanasius lib. de Human. Verbi. Augustinus lib. de sancta Virginitate. Basilii lib. de vera Virginitate. Item Constitut. Monast. &c. Ambrosius in exhortatione ad Virgines, Gregorius 3. Parte Pastor: Chrysostomus in Matth. 19. & aliis locis. Cassianus, Bernardus, Thomas, & innumeri alii, qui omnibus seculis de hoc laudabili vitæ genere scripsere libros, posterisque perennatura, & vitâ, & scriptis firmata, reliquere monumenta.

E contrario pietas per te non impietas manifesta statum Monachalem, religiosumq; Ordinem vituperare, repudiare, rejicere, diris deniq; de vere vota religiosa, &c. Nimis hoc planè eximie pietatis fuit documentum olim antiquorum hæreticorum, Donatistarum, qui teste D. Augustino insultantes Monachis dicere consueverant. *Quid sibi vult Nomen Monachorum?* in Psalm. 132. & Petilianus Donatista, inquit, idem perrexit ore male-

dico in vituperationem Monasteriorum & Monachorum, arguens etiam me, quod hoc genus vite fuerit à me institutum l. 3. cont: Petil. c. 40. Huic & tu Donatistæ tuum donasti nomen, quando velut dicto Sacramento contra Sanctum Religiosum statum nihil nisi impietatem maledico & impio ore spiras, ipsamque Societatem JESU apertè atque ejusdem Filium R. P. Autorem Scrutinii tacitè hypocriseos, quin manifestæ impietatis acculas. Sic olim & Arianian debacchabantur in statum Monasticum teste Ruffino lib. Hist. II. c. 5. Quorum & Valens Imperator Arianus os forerat execrabilis, ut Hieron. in Chron. Hujus vestigiis institit Imperator Constantinus Copronymus, cæteri que veteres Iconomachi. Post hos aliquot seculis interpositis Joannes Wiclef contra Religiosorum Ordines, ipsa acheronta movit, Diabolico odio omnes adunum à Diabolo introductos, mentiendo, & Augustinum, Benedictum, Bernardum, ad inferos esse damnatos, nisi pœnitentiam egerint, quod Monachi & Patres Monachorum fuerint, ut legitur in articulis illius in Concilio ad Constantiam reprobatis. Tandem Successor horum egregius Lutherus hæres etiam suorum prædecessorum malevolentia factus cane pejus & angve odio habuit Monasticum, & statum Religiosum. Adeo ut in Epichalamio illo suo, ut ait Card. Bellarm. cit: in Præf. l. 2. de Mon. plus quàm credi posset obscæno & sordido quod in cap. 7. Epist. prioris ad Corinth. scripsit, qui Cælibem vitam in monasteriis ducunt, eos omnes Idolo Molach corpora sua cremare confirmet. Et in eodem libro statum Religionis nihil valere, sed Ethnicum, terrenum, secularem, ac veluti lutum esse dicit. Hujus, qui ejuratâ religiosâ vitâ, abjectoq; Monastico Cucullo, Baccho, Veneriq; intimè sese dedicaverat, Tu Nepotulus, nihil ab eodem differens genuina Atavi gerens lineamenta, hypocrisi ipsiq; Deæ impiorum impietati statum Monasticum religiosum ac cœlibem addicis! At audi illi tibiq; severâ voce seridè intonantem Isaiam Cap. 5. 20. *Va qui dicitis malum bonum, & bonum malum, ponentes*



*mentes tenebras lucem & lucem tenebras, ponentes amarum in dulce, & dulce in amarum.* Nimirum omnibus à Christo Domino Nato sæculis Vita Monastica, vota que religiosa habita sunt, non aliud quàm *bonum, lux, dulce*, contra horum Violatio, *malum, tenebra, amarum.* Luthero & tibi hæc, *bonum, lux dulce*; illa, *malum, tenebra, amarum.* Quid aliud uterque insignis Morpheus, ipse jam spectat; Tu exspectas quàm Væ, Væ, Væ, æternum. De hoc argumento quàm *prolixè*, ut tu ais, tam ego ajo non solidè sed vitro aut ovo fragiliùs egit Nicolaus Hunnius, gallinà dum ovum excludit, glocitante loquacior, pellemque ovinam quam & tuis oculis vilus est Ecclesiæ Catholicæ detraxisse, ipse omninò lupo rapacior induit.

Quia verò thesis tua eadem scilicet impietate, quàm manifestæ impietati addixisti, omnes novos religiosorum Ordinum status, etiam, & quidem præsertim Jesuitici seu Sociorum Jesu mentionem facit, necesse est, ut ejusdem sigillatim nervosè causam agamus. Ergone huic tu Ordini impietatis notam turpius inuris, cujus omnes pii & boni pietatis splendorem universam Ecclesiam longè latèque illustrantem suspiciunt: At qui sunt illi quibus tu jurato fœdere junctus ungui & carbone hanc sanctam Societatem impietatis notare præsumpsisti? Valerianus, inquis, magnus. Magnum nimirum tibi ex eo Jovis Incrementum assurrexisse existimas, qui suum Magni Nomen minus valere, vel hoc Nomine demonstravit, quia magnum in Ecclesia Maximi Nominis Ordinem minimæ tamen Societatis titulum ex humilitate ambientem parvi fecit. At verò huic uni Viro, quia quantumvis plures darentur, opponit sese Religio Carthusiensium, quæ initio statim fundatæ & erectæ Societatis cum eadem peculiaris amicitia fœderatæ socienda, thesaurosque interiores suos omnes, & bona cuncta Spiritualia Societati communicanda decrevit. Hist. Societ. 1. Tom. L. 4. n. 107. & ap. Ribaden. in Vita S. Ignat. L. 3. C. 12. (Oppo-

Opponit Monast. Montis-Serratis S. Benedictinorum Familiæ, quod itidem Societatem in consortium & partem omnium sacrorum bonorum Spiritualium admisit. Hist. Societ. 2. p. L. 2. n. 147. Opponit Ordo S. Ordinis Theatin. Cler. Regul. Hist. Societ. L. 12. n. 13. Opponit S. Ordo minorum S. Francisci cum integro Capitulo generali Anno 1565. celebratum, decernens omnibus ut præcipue erga Societatis Jesu alumnos officiosi essent sectatores, eosq; deberent diligere, celere, ad publicas disputationes vocare, ad solemnia Sanctorum Ordinis festa, nullumq; auderet aperte aut clanculum eorum vivendi piissimam normam sugillare. Ribaden. Vita S. P. Ignatii L. 3. c. 17. Opponit Ordo Clericorum Regularium Bernab. tarum Mediolanensium Hist. Societ. l. 16. n. 124. Opponit eximius Ordo Prædicatorum, qui per Fr. Franciscum Romæum Generali literis datis excitatus est ad singularem Societatis amorem, & venerationem. Hist. Societ. l. p. L. 8. n. 5. Opponit se ex eodem S. Ordine F. Domin. Gravina Magister Ord. in voce Turturis p. 2. c. 30. Opponit ex illustri Augustiniana Familia Mag. Fr. Joannes Marquez in Gubernat. Christi l. 2. c. 24. Ex S. Calceati Carmeli Ord. ne Fr. Joannes Baptista Lezana opusc. de Concept. Virg. M. c. 2. Ex insigni item Carmeli Discalceati Familia Fr. Thomas à JESU. In opere de procuranda salute omnium gent. L. 2. c. 5. Ex S. Minorum S. Francisci de Paula Relig. Claudius Pangotius in comm. l. 1. Reg. c. 1. ad vers. 28. Ex S. Clericis Regul. Oratorii Ordine Thomas Bozius Tom. 1. de sig. Eccles. l. 6. c. 3. Ex illustrissimo in super Ord. Cisterciensium Fr. Ludovicus de Strada in Apologia pro Societ. Taceo innumeros alios quorum omnium Nomina angusta hæc charta, haud capere potest: Scripta tamen sunt, ut spes est non vana, in Libro viventium. Qui volet videat Grisio de Societ. Jesu, Aut. Andr. Mendo Ao 1666. Lugd. Præter hunc Valerianum Magnum in tot magnarum Religionum oculis parvum effectum ais Sorbonibus Jesuitici Ordinis hypocrisin & impietatem propalasse; ac inprimis



mis M. Antonium Arnaldum. At credo nec nominâſſes hunc ſi Apologiam Franciſci Montani pro Societ. JESU in Gallia contra hujus Antonii Arnaldi Advocati Pariſienſis Philippicam legiſſes. Verùm ut vulgò fert humanæ ac vel ideò inconstantis naturæ conditio, cogitationes poſteriores plerumque ſunt meliores prioribus. Idem planè videre eſt in celeberrima totoꝝ orbe Academia Pariſienſi, quæ etſi adverſum Scholam Societatis elapſo dudum tempore durum ediderit decretum, quod tamen Hiſpana Sanctæ Fidei Inquiſitio in ſua ditione prohibuit. Ribaden. in Vita S. Ignatii. L. 4. c. 11. nihilominus *quadraginta poſt annis cum Societas in Gallia maximè ab hæreticis* ut Rex Henricus IV. teſtatur in Apologia pro Societate *quateretur*, hæc inſignis Academia Pariſienſis judicium protulit eam omnino fore retinendam apud cit. Mendo, in Criſi Societ. §. 7. Adducis præterea alios Autores, ac tales qui aut quia aperti erant inimici, ex affectu livido, quos inter numerâduſis qui mecum ejusdè agnominis non avimi; aut quia inſtituti Societatis ignari, ex opinione vulgi vel propria; aut quia ejusdem deſertores, viperino animo etiam viſcera matris rodente, multa in chartam effudère, multa in lucem dedère, quæ ſatiùs tenebris ſepulca, aut adhuc in vivis cum tempore, meliora ſapientes, aut aliquando poſt hanc vitam in ſevero DEI Judicio maluiſſent. Certè exſtant non paucorum libri revocatorii, cum ad cor ſeriò etſi ſerò rediſſent: quos inter vidi apud R. P. Aut. Scrutinii Retractionem P. Petri Jarrigii ſolennem gallicè typis vulgatam ſub titulo, Retraction du Pere Pierre Jarrige de la Compagnie de JESUS retirè de ſa double Apoſtaſie par la miſericorde de Dieu A Anvers M. DC. L. Verumenimverò ſi æquo judicio cum hiſ & quibuſcunq; aliis Societatis hoſtibus certari deberet auditis illis ab una contra Societatem, audiendi ab alia parte forent, & alii teſtes; & utri partium major fides adhibenda, tandem decernendum. Ac proinde (ut cum Joanne

Argento ejusdem Societatis in Provincia Poloniæ Præposito Provinciali de rebus Societatis JESU in Regno Poloniæ ad Seren. Sigismundum III. Poloniæ & Sveciæ Regem anno 1620. loquar )  
 „ altissimum quasi veritatis montem animo conscendamus & in-  
 „ de velut ex specula mente & cogitatione orbem universum  
 „ circumspiciamus, omnium ora & studia intueamur, & quinam  
 „ Societatem JESU vel utilem dicant, vel noxiam affirmant, di-  
 „ ligenter attendamus: Ut sic autoritas autoritati, testimonia,  
 „ testimoniis, homines hominibus, velut clypeos telis co-  
 „ um retundendis, quin etiam retorquendis apponamus: quo  
 „ fiet, ut velint, nolint æqui Judices, verum à Societate, fal-  
 „ sum ab hostibus stare fateantur; modò concedant quòd sapi-  
 „ entes omnes concedunt unicuiq; in sua arte credendum, & sicut  
 „ cæcus non judicat de coloribus, sic cum de bono publico, de  
 „ Reipublicæ incolumitate, & recta Principum gubernatione a-  
 „ gitur, non quoslibet audiendos, sed peritos, sed sapientes,  
 „ sed eos qui cum laude ad Reipublicæ clavum sedent in consi-  
 „ lium adhibendos.

Statuit itaq; in conspectum nostrum hic autor & præciturus  
 Mendo. Statuo cum his, & ego in primis Romanos Pontifices.  
 Paulum III. Anno 1540. 5. Cal. Oct. Societatis institutum primum  
 confirmantem, approbantem, benedicentem in Bulla quæ inci-  
 pit *Regimini militantis Ecclesiæ*. Tum idem præstantes Pau-  
 lus alios duos, unum Julium, unum Marcellum. Duos Pios, IV. &  
 V. unum Sixtum, unum Clementem. Duos item æternâ memo-  
 riâ dignos Gregorios XIII. & XIV. Mendo insuper adducit reli-  
 quos Pontifices Gregorium XV. Urbanum VIII. Alexandrum  
 VII. In literis ad Rempubl. Veneram scriptis deposcentem, ut  
 restitueret Religiosos Societatis JESU olim inde ejectionis: id quod  
 etiam tanti viri autoritas effecit. Statuo cum his summis Eccle-  
 siæ capitibus & Generale Concilium Tridentinum, à quo singu-  
 lare



lare laudis & confirmationis privilegium reportavit Sess. 25. c. 16. Concilium item Tarraconense Anno 1600. Epist. ad Clementem VIII. Statuo ex purpuratis item Patribus Cardinales inprimis Præsides Concilii Trident. IV. Herculem Gonzagam, Hieronymum Scripandum ex D. Augustini clarissimoOrdine, Stanislaum Hosium & Stanislaum Simoneta Histor. Societ. 2. par. lib. 6. n. 29. Cardin. S. Carolum Barromæum, Cardin. Cæsarem Baronium, Card. Wilhelmum Alanum, Cardin. Lotharingium. Cardinalem Ludovicum Ludovici Vice-Cancell. S. R. E. Statuo plurimos Antistites, Archiepiscopos, Episcopos, quos videre est apud cit. Mendo § V. Et ne præteream domesticos. Cardinalem Hosium primi in Regno Poloniae Brunsbergenfis Collegii Fundatorem. Tum Andream Noskowski, Pultoviae. Valerianum Vilnæ. Adamum Konarski, Polnaniæ. Stanislaum Karnkowski, Calissii. Torunii, Petrum Kostka, & Petrum Tylicki cum Vener. Virginum S. Benedicti Culmensi Monasterio, & Civitatis illius Parocho Andrea Markowski. Gedani Hieronymum Rozrazewski. Luceoriæ Martinum Szyfzkowski, & Paulum Wofucki. Camenecii Andream Prochnicki. Bidgostiae Casparum Działyński, cujus dein foundationem auxit Magnus Polonorum Tullius Cancellarius Regni Ossolinus. Statuo tot Augustissimos Imperatores Carolum V. Ferdinandum I. Maximilianum, Rudolphum, Matthiam, Ferdinandum item II. III. atque in præsens Imperatorem Leopoldum I. Qui omnes quantum Societatem æstimaverint, amaverint, promoverint, novit Orbis Europæus. Quid dicam de Serenissimis Regibus Hispaniarum, Portugalliae, Franciae: hos inter Testimonium Henrici IV. præterire haud possum: qui ejectam à Gallia Societatem Jesu restituit iterum suo Regno, & simul pro illa scripsit Apologiam ad Senatum Parisiensem, quam citat Possévinus in suo Apparatu Verbo Societas JESU: ubi inter alia eximia quæ Societati dat Encomia Rex, ita ait; *Observavi autem*

cùm de his restituendis loqui cœpi, duo inprimis genera hominum restitisse, hereticos & improbos Ecclesiasticos. Nec quidquam detrahatur statui Ecclesiastico, summa digno veneratione, quòd inter innumeros probos aliqui improbi reperirentur, Ait item. Summa hæc est, Jesuita sunt ejusmodi, ut probus omnibus accepti sint, improbis autem odiosi: Veruntamen his atque illis utiles; Univerſa porro Ecclesia Christiana perneceſſarii; ac planè liquet ingentes Indiarum tractus, totque Hæreticorum regiones ad Catholicam fidem per eosdem accessisse. Addit insuper. De moribus Jesuitarum nihileſſe, quod obloqui quiskquam possit. Ita Possev. cit. in Appar. Ipse etiam Rex summè lætatus est, (ut narrat Henricus Titzimon in Britannomachia l. 2. sub fin. præf.) cùm ei oblatus Catalogus nominum & cognominum sexaginta sex millium hominum quos Patres Societatis Jesu in Gallia paucis annis à Calvinismo ad fidem Catholicam converterant.

Quid dein dicam de Sereniss. Regibus Regni nostri Poloniarum 3. Sigismundus Augustus Anno 1565. Die 8. Octobr. publico Societati privilegio dato quid de Societate sentiret, quidve ex ea speraret luculenter exposuit apud cit. Argentum pag. 182. Huic succedit Stephanus qui tot illi Collegia fundavit Rigæ, Ierpati, Polociæ, Claudiopoli, Varadini, Alba Juliæ. Diploma quoque insigne dedit eidem pro Novitiatu Cracoviæ. Sigismundus III. eidem domos, Novitiatus, Collegia & magnificentissima Templâ exstruxit, Orlæ, Vilæ, Cracoviæ. Sigismundi Filii, duoque Fratres in Regno Successores Vladislaus, & Casimirus hæreditario quodam Parentis favore & honore Societatem sunt prosecuti: atque ille Novogrodeci, hic Resſelii Fundator Collegiorum existit. Nec minùs etsi brevitate annorum interclusum Michaëlis propensum affectum experta. Et nunc feliciter regnans Joannes III. utinam quàm diutissimè! quàm fortunatissimè! quantâ gratiâ & favore prolequatur Societatem, paucis verbis haud describi potest.

Statue-



Statuere hic insuper possem de Societate Judicia & Testi-  
monia tot Principum Virorum, tot Spiritualium, tot Religioso-  
rum, tot Scriptorum, qui de Societatis JESU Pietate, doctrina  
& fructu luculentissimi testes esse possent, nî brevitati studerem:  
remitto curiosum Lectorem, atque ejusdem Societatis amantem  
ad præcitatos Autores, Argentum, Mendo, Possëvinum. Item  
Francisci Montani Apologiam pro Societ. Jesu in Gallia, contra  
Antonii Arnaldi Advocati Parisiensis Philippicam. Aliam item  
Apologiam pro Societ. Jesu ex Regno Bohemiæ immerito pro-  
scripta. Item Nobilis Poloni pro Societ. Jesu Clericis Orationem  
in ficti Equitis Poloni in Jesuitas Actionem I. Item Vindicias Do-  
ctrinæ Societ. JESU à calumniis Patroni Torunensium Anonymi  
Autore Georgio Tyszkiewicz ex eadem Societ. Theol. Doctore,  
cæterosque Libros, illorumque Autores, quorum bene longus  
Catalogus testium melioris notæ confici posset, quàm qui addu-  
ctus est hostium contra eandem ab iniquo Examinatore.

Appello itaq; affectu partium haud laborantem Lectorem,  
decernat, an & quantum Adversariis Societatis credendum sit?  
quos inter novus cum hypocrisi & impietate manifestè eidem af-  
ficta contra illam erigit caput, vel ideò parum pius Examinator.

Cùm enim toti, ut verbis præcitati Argenti pag. 399. utar,  
suspicionem, odio, fictione, convitiis, maledictis, falsitate sint „  
compacti; patet non parùm, non multùm, sed nihil fidei illis „  
esse adhibendum. Abiit enim in Proverbium: *Mendaci ne ve-* „  
*rum quidem credendum,* & à magnis Viris audiivi: *Carpere assue-* „  
*tes multa mentiri solitos.*

Non à proposito meo demum fuerit hoc loci attingere causas,  
ob quas hæc Societas Jesu adeò impugnetur ab Adversariis, præ-  
sertim Dissidentibus à Romana Catholica Ecclesia: audiamus il-  
las ex ore Laurentii Surii, in Compendio historiali ad Annũ Chri-  
sti 1540, hæc habet, *Nihilominus non desunt pro huic instituto mul-*

ti neutiquam probandi calumniatores & obrectatores, ex his præferim, qui se Evangelicos dici quàm Evangelicos præstare malunt. Vident enim suis conatibus indies magis & magis ab hujus Instituti viris obviamiri. Vident multos de suo grege detractos, ad Ovile Christi reduci. Vident non paucos Catholicos superioris vita impuritate, & fœditate damnatâ redire ad studium puritatis & innocentia. Vident deniq; non solum vita integritate, sed etiam multiplici & rarâ eruditione plerosq; hujus Societatis ad eò instructos. Hinc plusquam Vatinianum eorum in hanc Societatem odium. Hinc illa convitia probrâq; iactandi sæva libido: quòd cum revera mores reprehendere non possint in Societatis nomen petulanter incurrunt. Inprimis autem JESU Wider Germanicè tanquam JESU adversarios vocant. Quasi verò ejusmodi cavilla quidquam noceant laudatissime Societatis Patribus, & non potius Sectariorum petulantiam declarent.

Vide Examiner Scrutinii quò te tandem noxio contra Religiosos Ordines præsertim Societatem JESU toxico imbutus animus velut ferox laxatis habenis equus adduxit, ut id voces *hypocrisin*, quod est *emulari charismata meliora*, per imitationem & expressionem Domini Salvatoris nostri, qui nobis factus est Archetypus & Exemplar vivendi. Id apud te audiat *manifesta impietas*, quod optimi quique omnibus temporibus pro vera pietate habuerunt, prædicârunt, venerati sunt. Vide ne propter tantam tuam insaniam te in insensatorum numero repositum cernens, serâ poenitentia ductus eandem fateâre. Nos insensati vitam illorum estimabamus insaniam, & finem illorum sine honore, ecce quomodo computati sunt inter Filios DEI, & inter Sanctos fors illorum est. Sap. 5.

## TRUTINA

Numeri V. ad Præf. l. p. 6.

Cum vincula votorum Monasticorum (ut Antagonista verborum) sacrilegè neccantur à Pontificis, sequitur eadem licite rumpi ab Ortho-



*Orthodoxis. Neg. absolutione Papali opus habent, quibus DEUS ipse libertatem concessit.*

Rectè D. Chrysostomus Tomo 2. in C. 7. Matth. homil. 17. *Canis naturale est improbrum esse, nunquam vocem mittere propter aliquam alteram causam, sicut cetera animalia, nisi ad abigendos supervenientes; interdum autem & de superfluo in aërem latrat. Tales sunt omnes gentiles vel heretici inapprobables, latrantes, plurimum adversus Servos DEI. Latrantes aliquando & adversus DEUM blasphemis, ululantes aperte, & nunquam os suum aperientes ad bonum, sed semper ad malum.* Vivis planè umbris depictus est à S. Patre Examinator toto Examine suo non Criminator & Calumniator duntaxat, sed etiam Impostor. Prò quanta hæc impostura! quòd R. P. Autoris Scrutinii verba sint hæc: *Vincula Votorum Monasticorum sacrilegè necti à Pontificiis.* Quando unquam hæc ille ore effatus, aut calamo exaravit verba? Præf. inquis. p. 6. Atqui eo loco contrarium loquitur, non quòd sacrilegè nectantur Vincula Votorum Religionis; hoc enim ne somniavit quidem, cum ipse se vinculis his: non sacrilegè certè, sed sacrosanctè innexum sentiat; sed potius hæc, inquit, *Votorum Religiosorum sacrata DEO vincula soluta esse, seseq. ab eisdem sacrilegè plenariâ Indulgentiâ, an licentiâ? absolvisse eos ipsos qui his sacris vinculis constricti fuerant: qualis fuerat Lutherus & ejus Assesla.* Quà fronte, quo animo, quâ Justitiâ? Bone (si bonus dicendus es ob tot tua hocce libello famoso maledicta & scripta) Examinator, tantam imposturam Scrutatori Veritatis affingere præsumpsisti? Et dabitur ne adhuc Domini Lutherani fidem tam malæ fidei homini! Videte ne malo vestro & suo, ut R. P. Autori, ita & vobis imponat, fucum pro nativo colore vendicet, falsum pro vero annuntiet. Hinc jam se non Impostorem solùm, sed & Paralogisten manifestè demonstravit, tota sua thesi & hypothesi. Thesi quidem inprimis dum ait: *Vincula votorum Monasticorum* (non ut

R. P.

R. P. Autoris Scrutinii verba sonant, sed ut ipse Examinator confingit) sacrilegè neſtantur à Pontificiis. Ergo eadem licitè rumpuntur ab orthodoxis; ſcilicet? Ergo neq; abſolutione Papali opus habent, quia illis DEUS ipſe libertatem conceſſit. Hoc nimirum de toga ad pallium, ab equis ad aſinos, quin ſic itur ad Aſtra! & hoc eſt Locrenſe, hoc Phœnicum ſyntema, hæc Thracum fœdera, demum ſacrilegum dogma eſt hominum, quibus nec ara, nec fœdus, nec fides, ſed fœda vivendi licentia. Enimverò neq; vincula Votorum Monasticorum ſacrilegè neſtuntur, nec licitè eadem rumpuntur ab Orthodoxis, neque ea rumpendi DEUS libertatem conceſſit, neq; abſolutione Papali diſſolvi unquam poſſunt. Saltem veriſimilia menti Prudentum ſi non tuæ apparentia mentiri poteras Examinator? cum illo qui

*Plurima narrabat ſigmenta ſimillima veris.* Odiſ. lib. 19.

*At verò dicet quis eo hæc dicuntur artificio quo mendacem oportet eſſe ſui memorem.* Ita omnino non diſſiteor Enimverò dic ſodes quo hæc, quæ aſſeris, probas Argumento? quo S. Scripturæ textu? Aſylum tuum eſt Jus Canonicum de Sacrileg. & Aſylis, Decretum in hac quæſtione emendicatum à Decretis Gregorii, quæ ut improbo ſenſu à te alleganrur, ſic tuam theſim nec quicquam probant. Prætereo meros paralogiſmos & commenta anticheſeos de Ethelotrefcia, ſeu electio cultu in Votis religioſis, de Sacrilegio ejusdem, de licita proinde Votorum ruptura.

Hæc enim omnia ſunt vanæ argumentorum ſpecies, diſparantes demonſtrationum umbræ: quæ ſolidè ſatis diſpuſtæ cum ab aliis, tum à Doctiſſimo & Solidiſſimo Cardio, Bellarm. De Monachis Lib. 2. cap. 14. & reliquis. Qui etiam illud, quod ex Cypriano Lib. 1. Ep. 11 depravato ſenſu adfert Examinator vaniſſimam umbræ, ne dicam veritatis ſpeciem declarat ſole clarius meridiano loc. cit. cap. 34 præſertim cùm idem S. Martyr eodem Lib. 1. Ep. 11. ad Pomponium pronuntiet. *Chriſtus D. & Judex naſter.*

*cum*



cum Virginem suam sibi dicatam, & sanctitatis sue destinatam, jacere cum altero cernat, quàm indignatur & irascitur! - - - Et inf. *Qua*, inquit, hoc crimen admisit non Mariti sed Christi adultera est. Ecclib. de habitu Virg. *Qui se Christo dicaverint, & tam carnem quàm mentem DEO devoverint*, (NB. En vota Religiosa agnoscit) opus suum consument magno premio destinatum. En Vota servanda esse non autem licitè rumpenda asserit. Ergo ex mente D. Cypriani non pietas sed manifesta impietas, quia adulterii crimen est fidem vitæ continentis semel DEO per votum datæ consecratam haud servare. Quid porro hâc eâdem de re senserit D. Chrysostomus lege Tom. 5. duas Paræneticas Epistolas ad Theodorum Monachum lapsum, suum foetidum sacrilegium fucosi Matrimonii larvâ obtegere nitentem: Audi verò energeticam ad præsentem scopum sententiam ex posteriori Epistola. *Bonum quidem ait nuptias & ipse confiteor, honorabiles inquit nuptiæ: & cubile immaculatum*. Hebr. 13. 4. *Fornicatores autem & adulteros judicat DEUS*. Sed te jam servare non convenit privilegia nuptiarum: Angelorum enim Societati junctum semel, illam relinquere & Uxoris laqueis implicari adulterii crimen incurrere est. Quamvis frequenter hoc nuptias voces, ego autem & adulterio illud tantò pejus affirmo, quantò major & melior mortalibus est Angelus, - - - Neque ullus tibi persuaserit dicens: Nihil de non accipienda Uxore Dominus præcipit; nec me ignorare confiteor, quòd adulterium interdixit, non nuptias vetuit. Verum in te adulterii nomen accipit, si volueris unquam, quod absit nuptias cogitare, Et quid mirum si nuptiæ tales, quibus offenditur DEUS adulterio comparentur, & intra. Cum hac ita sint, stupere desiste, si nuptiæ pejores adulterio judicantur, quoties Christus offenditur: Atq; (ut illud repetam, quod in principio posui Epistola) si militia vincula non tenerent, quis tibi desertionis crimen objiceret? Nunc autem in te nihil penitus tui juris est, quippe qui tanto Imperatori militare cœpisti: Nam si

E

mulier

*mulier proprii Corporis non habet potestatem, sed vir, multò magis hi qui Christo potius, quàm sibi vivunt, conditionem Corporis sui habere non possunt. Agnoscat hic aperte S. Pater hominem per votum castitatis Deo dicatum non esse sui juris, sed ipsius DEI. Unde juxta regulam juris 51. Semel Deo dicatum non ad usus humanos ulterius transferendum. Ac proinde is qui voto castitatis Deo dicatus est, non potest ad profanas nuptias descendere, alioqui Dei Judicium haud effugiet. Iste (pergit S. Pater) qui nunc Theodore (Luthere cæterique ejus asseclæ) contemnitur ipse tunc sine dubio judicabit, hoc præcipuè cogitemus, prospiciamus illum igneum fluvium qui ante conspectum illius præcedet, & quòd qui illis semel traditus fuerit flammis, sperare non poterit requiem, finemq. pœnarum. Hucusque aureum Os. Verè auream contra Sacrilegos voti castitatis violatores tulit sententiam.*

*Dic jam Sodes Vincula votorum Monasticorum sacrilegè neclit? Clamita, eadem licitè rumpi ab orthodoxis? Prædica, DEum ipsum libertatem concessisse? Audi quid tibi dicenti, clamitanti, prædicanti intonet D. Chrysost. castissimus Antistes: Votis monasticis illigatum servare non convenit privilegia nuptiarum. Angelorum Societati junctum semel, illam relinquere, & uxoris laqueis implicari adulterii crimen incurrere est; Quin adulterio id tantò pejus est - - - Talibus nuptiis offenditur Deus. Quomodo igitur libertatem concessit? Quo pacto licitè rumpuntur ab orthodoxis? Quo modo te scilicet censore iniquo sacrilegè & non potius sanctè arbitro & Judice æquissimo D. Chrysostomo necluntur? Ipse qui nunc talia à te sentiente, ab aliis sententiam tuam pravam in praxim deducentibus, contemnitur ipse tunc sine dubio judicabit. Hoc demum cogita, hoc prospice, igneum illum fluvium, quo ne æternum mergaris è tam profundo, & turpi foetæ opinionis coeno tandem emergere contende: aliàs & Prophetæ horrendum Væ tuas verberabit aures.*



*Va qui spernis (hæc) nonne & ipse sperneris - - - cum fatigatus de  
fieris contemnere, contemneris. Isaia cap. 33.*

## TRUTINA

*Numeri VI. ad Præf. i. p. 6.*

**A**fferere quod Ecclesia Romana juxta Concilii Tridentini Regulam  
& tesseram, in statione sua jam in alterum usq. seculum constan-  
ter persistat, hominis est, aut rerum gestarum ignari, aut nebulam veri-  
tati palam suffundentis.

Et hæc Thesis parum aut nihil à præteritis differt, nec plus  
Veritatis, falsitatis dicere debueram in se continet quàm illæ.  
Nam 1. Examinator probat Gallos sese opposuisse Concilio Tri-  
denti: tum ab his ad Hispanos descendit, sed quantum in primo  
limine impegerit ex ipso Gramondo Hist. Gallicæ lib. I. m. p. 72-  
73. discemus. Ita enim ille ibidem. *De Tridentino Concilio ex-  
pediatne in Gallia promulgari? multa in utramq. partem his tem-  
poribus vulgata prætereo.* Deinde sequuntur reliqua quæ quâ  
fide ab Examinatore adducta judicet Cordatus Lector. Frenim  
animadvertite in primis Examinatorem infideliter Gramondi im-  
mediatè dictis, *Prævaluitq. Clero populus.* è proprio genio citra Veri-  
tatem hæc addere, & *negata est promulgatio*: Hæc enim verba  
non reperiuntur apud eundem, ergo malâ fide ab Exam. sunt  
adjecta. Deinde patet manifestè Concilium in certo sensu ac-  
ceptatum fuisse, siquidem addit expressè, *sub his conditionibus  
imbuebamur Concilii Oecumenici doctrinâ purissimâ.* Ad hæc agi-  
tabantur ibi quæstiones facti non juris, morum non fidei; Le-  
gum nonnullarum politicarum, ac Privilegiorum Regno Gal-  
liæ propriorum, quibus præ aliis Regnis speciatim, olim sibi à  
Summis Pontificibus liberaliter concessis, gaudet Gallia, utpote  
Summorum Pontificum rebus in adversis perpetuum asylum, &  
receptaculum tutissimum, non quæ universam Rempublicam

Christianam atque Ecclesiam Catholicam attingebant : quæ utique minimè Concilio Tridentino inficiabantur, addit enim Gramond. *Et si quid irrepererat contra leges Politicas, aut Privilegia Regni, explicari faserat, aut mutari prout proponebatur. Non hac Concilio, quod vocant Essentialia, non hac de Fide : parerga erant, citra necessitatem adjecta ; quæ nihil vetuit leniri, aut tolli penitus : quæ contra objiciebantur, vana erant.* Certum igitur est Galliam cum Ecclesia Romana juxta Concilii Tridentini Regulam & tesseram in statione sua jam in alterum usque seculum constanter persistere, in iis præcipuè quæ essentialia videlicet dogmata fidei in se cōtinent, ut dictum. Quod ipsū luculento testimonio Cardinalis Palavicini Historiæ Concilii Trident. lib. 24. c. 10. n. 15. comprobatur, ubi sic ait : *Satis in comperto mihi est, per universam Romanam Rempublicam per Galliam præsertim summam de illo (Supple Concil. Trident.) existimationem fuisse diffusam : ac primò quidem Decreta doctrina adorata illic fuere tanquam sacrosancta ab universis Catholicis ; dein quamquam disciplina decreta in difficultatem offenderent, propterea quòd aliqui ex Concilio, & ex Senatu ea quasi detrimentosa privilegii Regis, & Ecclesiæ Gallicanæ depinxerant ; tamen Episcopi in Synodis Provincialibus illa pro virili sunt imitati, & per hanc imitationem in Gallia Ecclesia ultra modum meliorem in formam redacta est. - - -*

De Hispania itidem testatur idem Cardinalis quod idem Concilium Tridentinum acceptaverit. Ea porro quæ Examinator objicit circa Versionem vulgatam ex Mariana nihil impediunt, quominus, sua autoritas & vulgatæ & Concilio eam pro authentica habentis & approbantis in suo vigore permaneat, etenim eæ Doctrinæ Controversiæ diversa sententiarum tandem sopitæ, ita ut defactò à tota Hispania vulgata pro authentica recipiatur, propter autoritatem Concilii. Quidquid insuper erat diversarum sententiarum præsertim in Brugente, id eò tandem collimabat, non ut quicquam de vulgata versione contra Concilii, & Romani

Ponti-



Pontificis auctoritatem statueretur, siquidem ipse Examinator agnoscit ex Brugenſe ejusdem verbis, quòd *correctionum Romanarum integrum librum Catholica Ecclesia, ejusq; in terra. conspicui capitis Romani Pontificis judicio submiserit*, Sed potiùs ut perfectior reddi posset Latina versio. Hæc enim verba ex eodem citat Examinator: non igitur de substantia erat difficultas, sed de accidenti, seu modo. Cætera quæ ex Autoribus variis variæ fidei hinc inde quæ sitis adfert, circa sensum plurimorum Decretorum illius Concilii, intelligenda sunt de decretis *Discipline & morum non doctrinae & fidei*, ut supra vidimus ex Card. Palavicino etiam in Galliis actum. Qui in Concilio Trident. pro hæreticis declarati, à Wallenburgenſibus & aliis etiam pro Schismaticis rectè arguuntur, utpote qui sese ab unitate & capitis & corporis Ecclesiæ visibilis separârunt. Nullus verus genuinus Romanæ Ecclesiæ filius, nisi fortè adulterinus aut supposititijs abjectè de Concilio Tridentino ita sensit, ut non nisi metu adactus illud agnoverit. Commenta sunt hæc mirabilis Petri Svavis insvavis, Polani Polo proinde, ut ejus inscribatur nomen haud merentis. Nullo unquam cuiquam violento motu, talem adactus metum, expresſit Ecclesia Romana Catholica. Quæ Regnorum nonnullorum ut Hispaniæ contra hæreticos sunt laudanda statuta, metum haud adigunt ulli nisi qui ut hæreticus Veritatis fidei osor, Catholico illi Regno temerè infert pedem, quem è Catholica extulit Ecclesia perniciosè. Quanquam mihiùs longè secum agi in Hispania & alibi, quàm cum Catholicis in Gallia, & Belgio olim Anglia quoque etiamnum, fateantur necesse est. Scripserit sanè Gregor. de Valent. postquam sine periculo de vi, sensu definitionis Concilii Tridentini aliter opinari, id intelligendum sanæ nec perversæ menti in iis quæstionibus quæ sunt moris, non fidei decretisque non Doctrinæ, sed Disciplinæ ut supra dictum. Ad extremum trophæum erigit R. P. Autor Scrutinii Concilio Tridentino. Etenim

stat inconcussum atque immotum, quod agebat, nimirum: *Ecclesiam Romanam juxta Concil. Trident. regulam & tesseram in statione jam in alterum usque seculum consistere constanter.* Siquidem in nulla quæstione, decretove doctrinæ ac fidei immutatio facta ostendi potest: cum contra in Disfidentium Confessionibus, in præcipuis quibusque articulis fidei de SS. Trinitate, Consubstantialitate Filii Dei, de Sacramentis, eorumque usu & cæteris summa discordia, dissidium, dissensio comprobatur tum ab aliis tum Scrutinio Veritatis pluribus locis. Apage tandem meliori simul simul arctiori examini merito subjiciende malæ fidei Examinator Scrutinii Veritatis? & veritati quam intelligere aut subdolè dissimulas, aut crasse respuis, nebulam palam suffundere desiste, rerumque Catholicarum te ignarum ingenuè fateare. Ac proinde ut verbis D. Augustini utar L. de util. Cred. cap. 17. *Si quid te vel ratio nostra; vel oratio commovit, velim me audias, & bonis Preceptoribus Catholica (Romanæ) Christianitatis te piâ fide, alacrisse, simplici charitate committas.* Sic enim tandem veritatem, abjectâ falsitate agnosces.

## TRUTINA

Num. VIII. ad Præf. l. p. 5.

**N**ovam Confraternitatem sub titulo SS. Trinitatis post Servetum Sociumque, à Pontificiis erectam esse, quâ nunc major quàm unquam antea honor Mysterio SS. adorandaque Trinitatis tribuatur, anistoresia est.

Ultimum tandem, Examinator Scrutinii Veritatis Fidei, si Diis placet! expugnando admoveat arietem, amphorâ quam hoc Scrutinio instituere cœpit, atque urceo, qui è fornace imperiti figuli exit fragilior, ut proinde non quam sibi imaginabatur de victoria palmam referre, sed veriùs herbam Victori victus cogatur deferre. Omnes historiarum Libros apparet eundem non legisse duntaxat, sed ut vulgò fertur devorasse, qui R. P. Autori

Scruti



Scrutinii anistoresian, id est ignorantiam historię ut temerè, ita imperitè objicit. Dixerat ille in Præfatione I. *An non intueamur SS. adorandę Trinitatis Mysterio honorem tribui longè majorem, quā unquam ante a, novā etiam Confraternitate sub titulo SS. Trinitatis erectā: nimirum salutare in pio fervore fidelium scintillas excitavit perniciosus cineri dolo tot seculis sepultus Arii ignis, à Serveto & Socino è cineribus erutus, & sufflaminatus, &c.* Accedit propiùs hunc ignem Examinator sat audacter, non ut ab illo incalescat, sed ut illum extingvat, aut dissecet ficulnā credo macharā, immemor illius dicterii: *Ignem gladio ne fodito.* Sumit enim hinc occasionem criminandi, sugillandi, & exsufflandi Confraternitatem SS. Trinitatis de Redemptione Captivorum in Monasterio Oliveni, operā Perill. ac Rever. Michaelis Antonii Hacki, Abb. Colbac. Coadjut. Oliv. Anno 1673. in Monasterio Oliveni primū solenniter erectam. Hanc censoriā Virgulā ferire non veretur, in primis quidem præteritionis figurā, non disputabimus utrum SS. Trinitati honor tribuatur observatione Regularum, quę spirituali Societati Fratrum, Sororumq; SS. Trinitatis in Monasterio Oliveni sedita sunt. Postmodum verò aperto Marte Regulas ibi propositas, Verbo Divino adversari palam decretoriā sententiā enuntiat, O præclarum Custodem Verbi Divini! quo si caruisset, pridem de illo actum fuisset! O flagrantem zelatorem honoris SS. Trinitatis! ab hoc enim nimirum Legislatore novo Mose, discendus erat honor & igneus fervor in SS. Trinitatem. Prò! quantum proinde erratum est à vobis Fratres & Sorores hujus Sodalitatis, qui hoc inconsultò tantum opus aggressi! Ast enim verò tu bone Schelgvigi crede mihi, animalis homo es, nec percipis ea quę sunt Spiritus DEI; stultitia enim tibi & non potes intelligere 1. Cor. 2. 14. Ex illo insuper numero te agnosce, in illorum te Cathalogo vide, lege de quibus S. Judas. *Hi autem quacunque quidem ignorant, blasphemant. quacunque autem naturaliter; tanquam muta animalia norunt*

*runt, in his corrumpuntur, va illis quia in via Cain abiērunt! Cain inquam Fratricidæ, quem tu imitaris Fratrum & Sororumcidæ hujus Sodalitatis: ita non opus illis est adire capitalis Crucis hostes; in Captivitatem à te detrusi rei capitis à te Minoë & Radamanto severiore, non æquiore Judice decretoriâ sententiâ proclamati: quia rei lætæ supremæ Majestatis Divinæ; Etenim loco honoris SS. Trinitati exhibendi, Verbo Divino adversantur.*

Sed jam an rectè Anistoresian objiciat R. P. Aut. Scrutinii videamus: Non ille ignarus fuit S. Ordinem Fratrum SS. Trinitatis Redemptionis Captivorum divinitus institutum esse sub Innocentio III. Papa Anno 1193. Nec vim reponit in majore honore exhibito, occasione Serveti & Socini, SS. Trinitati per hunc Ordinem primùm institutum, hoc enim foret, aut ignorantis, aut perversi, quia rerum temporumque ordinem pervertentis ingenii. Sed hæc est mens R. P. Autoris rectè probèque nō improbus velit manere à Schelgvigio percipienda. Quòd scilicet cùm hic Ordo solas, intra cancellos Ordinis, Religiosas personas Votis Religionis adstrictas incluserit, hancque lege SS. Trinitatem honoraverit: insuper à temporibus primùm Serveti ac Socini hostium Sanctissimæ Trinitatis: hujus Ordinis ut ita dicam, tentoria dilatata sunt An. 1608. etiam secularibus utriusque sexus personis ad Confortium & Communionem Spiritualium bonorum, privilegiorum, gratiarum, indulgentiarumque; admissis, exceptis votis Religiosis, Et per hoc certè major SS. Trinitati honor, & cultus exhibetur: toto enim orbe Catholico in quovis Regno non uno loco hæc Sodalitas erigitur, fideles ad majorem venerationem amoremque flagrantiorē SS. Triadis excitantur, & ex amore SS. Trinitatis ad majorem proximorum, præsertim in captivitate infidelium degentium, ut illis quoquo modo possunt succurrant, animantur: idque reapse præstant; ut ita manifestè pateat



teat hanc Confraternitatem Divino Verbo minimè adversari, quin eidem consentire: Præcepto enim Divino de *amore DEI & Proximi* directè, & solidè infundatur. Idq; ab eadè Confraternitate in praxim deduci testatur Historiæ, quin etiam audio vivos & oculos hujus testes esse nonnullos Gedani Mercatores. A quo quia longè abest Examinator, meritò ei serium incundū examen foret: Neq; enim cōstat illum SS. Trinitatem (specialiori cultu honorare, atq; amare; nec quenquam Captivorum in honorem SS. Trinitatis redemisse, aut redimere; nec ut redimantur, & SS. Trinitas singulariter colatur, ameturvè suis auditoribus commendare. Quà in re minimè se Paulinum esse agnoscat, qui ad Hebr. 13. 3. monet *Mementote vincitorum tanquam simul victi*. Unde haud ei ulla spes esse potest, ut omnium bonorum in vita & morte hujus Ordinis particeps efficiatur nisi fortè malorum, quod tamen non optamus: cū enim sugillatoriam parenthesis pro colophone addiderit ad illa verba *omnium bonorum (cur non & malorum)* eandem sibi ipsi dictam & scriptam à semetipso accipiat.

## CONCLUSIO TRUTINÆ.

**E**T hîc tandem Examinis de Scrutinio Veritatis fidei malè instituti, melior sistit Trutina. Videtur mihi Examinator ex illorum omninò esse numero, de quibus Seneca apud Cassiodorum. *Quorum omnis vis est in lingua, & habent loquentia multum, sapientia parum, apud quos verborum flumen, & gutta mentis.* (a)

Tacuisset ille potiùs, quàm ea in publicum protrussisset, quæ vel ipsi domestici fidei, æqui tamen boniq; Judices, probare haud potuère, quin supprimenda censuerint: reportâssetq; de silentio venerationem: & Os Verba sunt Tertulliani (b) *Taciturnitatis honore signatum* retinuisset, si illud tenere scivisset. Bonis quibusve, rective ac veri amantibus inest, ut quispiam ajebat (c) *Magistra taciturnitas & eruditi forma silentii*. Pro impudentissimis simul ac imprudentissimis habiti Plinio, (d) *qui moriifera loquun-*

E

tur

(a) Apud Plutar. Anaxim. Teocritus. (b) Tertull. de Patient. c. 15. (c) Apud Enoch, in parænet. (d) Plin. Lib. 14. cap. 20.

tur, quæ cooperiri deberent, rediturasq; per jugulum voces non continent. *Levis sermo facile volat, & facile violat*, aiebat mellifluus Doctor: (e) Hinc præclarum Senecæ monitum. (f) *Optimum est, ad primum mali sensum mederi sibi, tum verbis quoque suis minimum libertatis dare, & inhibere impetum*. Hac etenim est regalis aiebat Cassiod. (g) *proculdubio Virtus celerius necessaria sentire, & tardius in verba prorumpere*. Quamobrem dedisset Examinator Examen suum Examini non suo tantummodò sed aliorum, qui meliores alienarum rerum semper iudices, cœcutit enim in propria causa mens humana, fascino internos oculos philautiâ imbuente; non tam severâ proinde in idem Examen Trutinâ animadvertissemus, nec Examinator causam poeniteudi suam dicacitatem & Matæologiam habuisset. *Nescitait Cassiod. (h) Pœnitenda loqui, qui proferenda prius suo quinquam addo; & aliorum tradidit Examini*.

Nemini tamen hujus Examinis Trutina videatur minùs æqua, utpote quæ & severitatis, & veritatis ad amussim tenet æquilibrium. Si nonnihil in adversam partem suo pondere procumbere videtur, æquæ semper pœnæ talionis id adscribendum. Quâ si vindiciæ famæ & innocentie fiant, non id proconvitio aut calumnia apud prudentes quosque habetur. Ita nuper à Lutherano decretum Areopago, in *Responsis duarum inclytarum facultatum* (hic est titulus libelli impressus Helmstadiæ Anno 1678) & unius primarii Juris Consulti de programme Laurentii Laurertini, in quibus ab omni convitii crimine liberatur dictus Laurentius, quòd *is programma vindicanda fama & Innocentie D. Georgii Calixti, & Joachimi Hildebrandi maiedico & injurioso D. Abrahami Calovii programmati opposuit*. Nec verò mireretur Examinator stomachum nobis movisse, nauseamq; creâsse suo Examine. Etenim haud benè pistus panis, aut dapis, & malè

(e) Bern. in *Sentent.* (f) *Lib. 3. de Ira.* (g) *Lib. 10. Epist. 4.* (h) *Cassiodorus loco citato.*



malè coctus cibus, sanæ menti est, famosus libellus meris fcom-  
matibus, calumniis, & crimine falsi in aromatum vicem condi-  
tus. Quare occinere eisdem liceat.

*Haud bonus es Pistor Schelgvigi, quam apposuisti*

*Mensa, hoc libro; à te non bene pista dapis.*

De meliore longè penu officinaq; dignam certè luce Epistolam  
dedit ad R. P. Autorem Scrutini quidam (à cuius nomine & co-  
gnomine in publicum proferendo adhuc ob certas rationes su-  
persedeo) olim ante annos 23. ut ipse fateatur, Magistri & Do-  
ctoris laureâ ornatus in Academia Rostochiensis, quâ candidè su-  
um de Scrutinio Veritatis sensum maturum sanè, ac pondere  
plenum aperuit. Quamcùm mihi R. P. Autor Scrutini com-  
municaverit, aliqua saltem ex illa præsertim Exordium & Epi-  
logum hic apponenda duxi: tum in solatium omnium bono-  
rum, tum ut omnes æqui veri quæ amantes judicent quantum in-  
ter sit quo animo indages veritatem, sinistro, ne perturbato, atq;  
præjudiciis laborante? an dextro, simplici, & sincerè indissolubili  
nexu Pacem & Veritatem diligente, atq; pro unico objecto ha-  
bente? Illum in Schelg. Exam. hunc in Epistola hujus manife-  
stè legere licet. Experire, fac parallelam, & fatebere id quod  
pronuntio ipsi Veritati consentaneum.

### EXCEPTUM

Ex Epistola unius M. & Doctoris Rostochiensis ad R. P. Jo-  
annem Franciscum Hacki, S. J.

**S**alutem à Salutis Veritatisq; Fonte JESU Christo Vir Excellentissi-  
me, Pater admodum Venerande!

Ignosce Pater Reverende audaciæ meæ, quòd Tuam Ve-  
nerabilem Paternitatem sanctis fortan occupatam laboribus, in-  
terpellem. Benevola tua humanitas, quam olim à Nobilissimo  
Domino Damlero bene recommendatam ante annum, & quod  
excurrit, ipse met expertus sum, indulgeat gratiosè mihi, pro a-

gnoscenda Divina Veritate, ejusque Magistra, ac Columna, quam intimius anhele, mea qualia qualia proferre ac informationem, quam spontè & coram, & scriptis pollicitus es Pater Reverende hisce petere. *Scrutinium Veritatis Fidei*, quod laudabili erga Ecclesiam Romano-Catholicam studio Evangelicis monstrasti, eò lubentius accepi, quo id non bellum, sed pacem Veritatemque intendere video: Studium longè, imò æternum laudandum! Quis enim Christiano gaudens nomine ac animo non illacrymabitur mecum, tot tantasque in rebus fidei Christianæ, quæ animarum æternam vel salutem, vel perditionem inferunt irreconciliabiles differentias, & ex his tanta odia, dissidia, bella videns! Equidè vivimus inter homines, qui à mitissimo Agno Christo Christiani dicti, *unum Deum, unam Fidem, unum Baptisma* profitentur: Nomen quidem Evangelici buccinantes, rem at Evangelii, id est, dilectionem non habentes. Dilectio vera, sincera, sine fūco, sine simulatione solus ferè est Christianorum character: ex quo pax unicè redundat, quam pacis Dux, *ceu hereditatem quandam* (ad mentem D. Augustini serm. 166. de temp.) *nobis dedit.* *Pacifici enim vocantur,* Matth. 5. *Filii Dei, i. e. hæredes Dei.* Ergo omnibus viribus Pax est *custodienda* (loquor cum prædicto Præsule c. 1.) *quia semper in Domino manet, qui in pace sancta manet.* Pax autem sancta verax est expers omnimodi falsiloquii: Nimirum, fidus nemini est, cujus os infidum dissentiens à propria mente. Falsus qui verbis, malus præsumitur in operibus. Contra: *Verbum veritatis in ore* (Judicio S. Hieron.) *bonam in mente voluntatem præsupponit.* O Amicabile conjugium pacis & veritatis! ubi enim pax est (Verba sunt S. Clement.) *ibi in disputatione veritas, in operibus Justitia invenitur.* Uti nam confiderent id omnes, Pacem, Pacem qui clamitant in fide, falsitatibus tamen sanctam obnebulant veritatem. Hos convertat misericors Deus, quò dogmata Ecclesiæ tractantes interno oculo Lumen veritatis conspiciant, tandem in cœlis conspecturi Chri-



Christum, qui est veritas! unum hoc mecum est votum tuum  
& Piorum: quod exaudiat Deus ab alto!

Lutheranuse ego, interque Lutheranos natus, educatus, inque scriptis Lutheri ac Lutheranorum informatus, spartamque non contemnendam, ex qua honestam alere Familiam, hoc est possum, adeptus, desidero in Gremio S. Matris Ecclesiae esse, & manere flagrans, Eruditissimum tuum Scrutinium legi, perlegi, relegi. Multa inveni solidae eruditionis, & quod mirum in modum placet, Pietatis & voluntatis unicuique veram Christi Sponsam, digitis quasi monstrandi, argumenta, quibus omnium nunc temporis Dissidentium Fidem, Regulas, Libros, Notas, Symbola, Confessiones tam praesentes, quam futuras, Ecclesiasque petis, unico quasi cornu, omnes simul evertituriens, & annullaturiens; Romanam autem tuam Ecclesiam Catholizando, ac in Magistram fidei infallibilem, cum Praeside illius autorizando. Magnus sane tuus animus est, tanti momenti rem qui aggressus est: Quod quidem olim magni Viri fecerunt, ast quae ego sciam, non perfecterunt. Magnus vester Gretserus, Tannerus, aliique de hoc themate, in publico Colloquio Ratisbonensi, multos & copiosos nostris cum Theologis miscuere sermones, principio huius seculi, utinam non tam infructuosos! Fateor e quidem in nonnullis tum temporis hallucinatos esse nostrates: Attamen non contemnenda remanserunt nostratum argumenta, adhuc resolvenda. Mitto haec: Alio tamen tuum Scrutinium incedit Cothurno, aliaque methodo Tuam defendis, nostramque oppugnans Ecclesiam.

Problema Vir Reverende tuum est, Neminem posse de veritate fidei suae, vel religionis Christianae certum esse, ex solo verbo DEI scripto, sive ut tuis loquar verbis: Illos qui solum Verbum DEI scriptum, pro Regula, norma, ac Iudice fidei, exclusae Ecclesiae Catholicae Romanae Autoritate habent: nullam habere religionem Christianam. E contra, illos qui Verbum Dei scriptum, prout

Romana illud Ecclesia interpretatur, pro norma fidei recipit, posse de veritate religionis suæ certos esse. Ratio: Quia unaquæq; religio Dissidentium, ut sunt Lutherani, Reformati &c. pro norma, regula, & Judice Fidei, ac Religionis assumit solum Verbum Dei scriptum, absque Catholicæ Ecclesiæ Autoritate, & tamen multis parasangis à se invicem etiam in maximi momenti Articulis distant: Ergo nullam habent religionem. Nam si Lutherana Religionis, ex hoc principio Veritas sequeretur, sequeretur & Veritas aliarum religionum, tam longè à se Dissidentium, quod absurdum. Ergo necesse est assumi aliud principium, aliamq; Regulam activam seu regulantem, i. e. Interpretem, qui dictam Regulam Passivam scil. S. Scripturam applicet, ad certum fidei articulum.

Equidem Ego (de aliis meram Orthodoxiam vanè crepantibus non dico) sic statuo. Præter Verbum DEI scriptum in judicandis Fidei articulis Controversis, requiri omnino regulantem, seu interpretem Fidei i. e. Ecclesiam Catholicam, quæ vindex est vera à falsis discriminans, aliàs nullus erit finis Controversiarum. Quodlibet dogma examinandum est ad S. Scripturam. Quod si in illa explicitam secundum omnia, non reperire licet decisionem, confugiendum ad Catholicam Ecclesiā, seu qui illam repræsentant, Ecclesiæ Catholicæ Patres vetustiores. Ita Reverend. D. Dreyerus & alii, ita & Concil. Trid. Sess. 4.

Remanet itaq; omne momentum in quæstione quænam sit illa Catholica Ecclesia? Utrum Sola Romana, exclusis Ecclesiis Græcis & Evangelicis &c. An verò tota Ecclesia, per totum terrarum orbem dispersa quæ JESUM CHRISTUM Filium DEI confitetur, ad quam Romana, Græcæ, Syræ, &c: & nostræ referantur, sit illa Catholica Ecclesia?

*Sequuntur deinde ejusdem rationes dubitandi, quas hic brevitate gratiâ haud adduco: præsertim cum mihi persuadeam, lucem visuras, cum ad eas à R.P. Autore Scrutinii solidè responsum fuerit. Non possum*



*possum tamen præterire Epilogum ejusdem Epistolæ; Siquidem illam concludit:*

Ego quidem Lutheranus quamvis, & honestè ex spartâ me, meosque sustentare possum; statim relinquam omnia, & Te P. Admod. R. sequar in gremium Romanæ Ecclesiæ me collaturus, si infallibilitas Romanæ Cathedralis Catholicæ (liceat mihi sic loqui) probari possit, id est, quod infallibilitas hæc credita sit semper, ubique, & ab omnibus. *Et post pauca.* Interim scias R. Domine Pater, me Lutheranam nostram Ecclesiam habere pro parte Ecclesiæ Catholicæ, imò etiam pro parte Ecclesiæ Romanæ. Scio enim Prussiam nostram per Pontifices à Sede Romana missos, ad Fidem Romanam conversam esse, adeoque ex hoc fundamento Romanam Sedem colo, seu Matrem Ecclesiarum Prussicarum, neque me separatum volo ab Ecclesia Romana, id quod nec Protestantes Principes voluere. Neque dico Ecclesiam Romanam errare in fundamentalibus Articulis fidei, neque id unquam præfati Principes dixerunt, sed nondum consensum dare possumus nonnullis abusibus, utpote de quibus etiam protestati Principes supra memorati. Laudo in vestra Ecclesia Pietatem, Sanctitatem Ordinis, & plura alia. Veneror etiam vestrum Romanum Pontificem Præsulem tanè admirandæ pietatis, prudentiæque. Absit à me tantum Præsulem calumniis, ut solent nonnulli Antichristi nomine lacerare! Absit! Equidem ego ante annos 23. Doctoris ac Magistri titulum, in Academia Rostochiensis, à Sede Romana confirmata adeptus, me aliquo modo Rom. Pontifici juramento obstrictum reperi, in casu scil. Defensionis Privilegiorum Academiæ illius. Unicè restat ut mihi dilucidè probetur universalitas ac infallibilitas solius Rom. Eccl.

Hæc sunt Pater summè Reverende dubia mea, quæ ad Scrutinium tuum informari desiderans reponere volui. Informes quæso Veritatis cupidum, & anhelantem gremium veræ Matris Ecclesiæ Catholicæ! Ante annum & quod excurrit, benevolo Tuo Colloquio, & de hac materia coram dignatus fui. Spero jam quoque à Tua Reverenda Dignitate solidam me impetraturum informationem, quo agnitâ universalitate Sedis Romanæ in Gremium S. Matris me conferre, conscientiamque pacatam in æternum retinere possim. Vale Feliciter.

Dat. Die S. Martini 1682.

Tuæ Reverendæ Patern.

Obsequentissimus Client.

N. N.

Utinam & huic amico Lectori, & Schelgvgio improbo Examinatori Scrutinii Veritatis tam clarum à Patre Luminum, à quo omne datum optimum, omne donum perfectum procedit, desuper exoritur Lumen & iplendor gratiæ, quo ad S. Matrem Ecclesiam orthodoxam Catholicam Romanam accedant, yerè Filii lucis futuri in terris, atque in coelis, tandem in lumine gloriæ perennaturæ nunquam obscuri. n lum Lumen Divinæ faciei ad faciem clarè ac sine ænigmate conspecturi. Fiat, Fiat.

## ERRATA CORRIGENDA.

**I**N Dedicatione versu 3. Officiis omissum vindicare. Ibidem quarto versu ante finem Poëta, Lege Poëtæ. Pag. 1. v. 17. mentem, lege ruentem. Pag. 2. v. 9. effundere, lege offundere. Ibid. v. 24. Nec quicquam, lege Nequicquam. Pag. 6. v. 12. asveto, lege asveto. Pag. 14. v. 24. vidit, lege videt. Pag. 15. v. 10. hæreses, lege hæresis. Pag. 17. v. quarto à fine, perito, lege verlato. Pag. 19. v. 8. aut, lege haud. Pag. 21. v. 7. voluntariæ, lege voluntariè. Pag. 23. v. 10. quam & tuis, lege quam in tuis. Pag. ead. v. 26. quia, lege quin. Pag. 24. v. 4. Opponit Ordo S. Ordinis, dele Ordinis. Ibid. v. 13. Generali, lege Generalem. Pag. 27. v. 10. apponamus, lege opponamus. Ibid. v. 11. verùm lege verum. Pag. 30. v. 17. adduxit, lege abduxit. Pag. 31. v. 19. voierum, lege votorum. Ibid. v. 24. maledicta, lege malè dicta. Pag. 36. v. 27. Concilio, lege Concilii. Paginâ 37. v. 5. ante fin. de vi sensu, lege de vi & sensu. Pag. 38. v. 8. ante fin. Scrutinii, lege Scrutinio. Pag. 39. v. 2. Iatueamur, lege Iatueamur. Ibid. v. 6. ante fin. arietem, omissum qui. Pag. 39. vers. antep. Cathalogo, lege Catalogo.


LIBRARI: UNIV

33)(0):(55




JACOBUS LEHMAN











Biblioteka Jagiellońska



stdr0026903



